

SC. SUP. 34. PL. 3.







# GENERALE CAPITULUM

TOTIUS ORDINIS

FRATRUM MINORUM

IN CONVENTU S. P. N. FRANCISCI CIVITATIS MANTUÆ

*Præfide Eñño, ac Rñño Domino*

## D. I G N A T I O

S. R. E. PRESBYTERO CARDINALI

## C R I B E L L I O

*Apostolicæ Sedis, & Sanctissimæ Domini Nostri Papæ  
in tota Romandiolæ Provincia de Latere Legato.*

CELEBRATUM

AMNO MDCCLXII. DIE XXIX. MAII IN SACRO  
PENTECOSTES FESTI PERVIGILIO.



R O M Æ M D C C L X I I

EX TYPOGRAPHIA GENEROSI SALOMONI  
SUPERIORUM PERMISSO.



ENCYCLICÆ LITTERÆ  
REVERENDISSIMI PATRIS  
CLEMENTIS DE PANORMO  
MINISTRI GENERALIS

*In quibus Capitulum Generale indicitur celebrandum intra  
Italiam, & in urbe opportuno tempore designanda.*

FR. CLEMENS DE PANORMO

Lector Jubilatus, Catholicæ Majestatis in Regali Matritensi  
Congressu pro Immaculata Conceptione Theologus,  
Cléri Romani Examinator, totius Ordinis  
S.P.N. FRANCISCI Minister Generalis, Visitator,  
ac Reformator Apostolicus, & Servus.

*Universis Nobis in Christo Jesu dilectissimis Patribus, & Fratribus,  
atque Monialibus, tam Superioribus, quam Subditis, cum  
primam, tum secundam, & tertiam Regulam Beatissimi  
Patris nostri Francisci sub nostra obedientia  
proficientibus salutem in Domino, qui  
solus est vera salus.*



Upreum, Dilectissimi Fratres, totius nostri  
Ordinis Magistratum, nobis nihil tale meren-  
tibus, sed summa potius Dei Bonitate, & Cle-  
mentia, in tanta præsertim optimorum Viro-  
rum copia, humeris nostris in Murciensi Ca-  
pitulo Generali anni 1756. impositum, Sera-  
phicæ nostræ Regulæ auctoritate, & vi, ex Leonis constitu-  
tione incipiente: *Unionis*, ex aliis Ordinis statutis auctori-  
tate Apostolica confirmatis, expleto sex annorum curricu-  
lo, aliquando tandem dimittere, atque ab illo nos abdicare  
debemus. Equidem in tanto, ac tam difficili munere obeun-  
do, nihil eorum prætermittendum studuimus, quæ ad pu-  
bli-

blicam tranquillitatem, & pacem, aut ad nostræ Familiæ sanitatem, disciplinam, commoda, stabilitatemque conducerent. Si quid tamen inscipienter in vos, amantissimi Fratres, peccavimus, id non nostræ erga vos male animatæ voluntati, sed humanæ potius naturæ conditioni, onerique gravissimo, cui humeros supposuimus,tribuendum est. Cum ergo hoc simus alacri sane animo deposituri, sexennio, ut diximus, jam ad exitum properante, idcirco Generale Capitulum in vigilia Pentecostes anni 1762., quæ erit die 29. Maii, in hac nostra Cismontana Familia, & intra Italiam, in Urbe tamen, quæ post hac opportuno tempore designabitur, bene juvante Domino, celebrandum vobis omnibus de more indicimus, atque denunciamus. Quo vero legitima, & canonica electio procedat, ad illud citamus, & vocamus Reverendissimos Patres, scilicet Petrum Joannetium de Molina Ex-Ministrum Generalem Ordinis, eundemque Ex-Commissarium Generalem nostræ Ultramontanæ Familiæ: Commissarium Generalem Familiæ Ultramontanæ: Joannem Antonium a Sancta Cruce ex Vice-Commissarium Generalem nostræ Cismontanæ: Commissarium Generalem Indiarum Occidentalium: Admodum RR. PP. Procuratorem Generalem Ordinis, Commissarium Generalem Curie, Procuratores Generales tam Reformatorum, quam Discalceatorum & Recollectorum, Definidores Generales utriusque Familiæ, Secretarios Generales Ordinis, Ministros Provinciales, & Custodes omnium Provinciarum, etiam Custodiarum a Provinciis independentium, Guardianos Sacri Montis Sion, & Magni Conventus nostri Parisiensis, cæterosque alios, qui jure, aut consuetudine votum, vel suffragium in Generali Capitulo ferre solent. Omnibus autem, & singulis citatis, & vocatis salutaris obedientiæ merito, ac sub pœnis in nostris generalibus Sanctionibus contentis injungimus, atque mandamus, ut opportuno tempore ad præfatum se Capitulum conferant, nisi æquam, legitimamque non accedendi causam, probatissimis testimoniis munitam, ac a nostro Definitorio Generali perpendendam approbandamque exhibuerint. Ita tamen Ministri Provinciales, Custodes, cæterique post ipsos recensiti ad Comititia accedent, ut ante Sabbatum post



post Festum Ascensionis Domini Nostri Jesu Christi Urbem, in qua habebuntur Comitia, nemini ingredi liceat, exceptis Reverendissimis Definitorii Generalis Patribus, queis ante statutum tempus una cum propriis fociis designatum Capituli Conventum adeundi optio relinquitur.

Et quoniam consulo, quæ ut plurimum ex nimia Religioforum copia enascitur, quoad possumus, vitanda, ac submovenda a nobis est; idcirco Constitutionibus Ordinis Generalibus omni ex parte adhærentes, præcipimus sub pœna privationis suffragii, ut cujuscumque Provinciæ Minister, sive Pro-Minister, & Custos, unico tantum Religioso socio utrumque comitante iter suscipiant, unum addendo, si opus fuerit Tertiarium, sive Donatum, qui Syndici Apostolici vices gerat iis in expensis, quas fortasse necessitas fieri postularit. Atque hic, vel nobis tacentibus, insigne Religionis nostræ præsidium vobis ante oculos perpetuo obversabitur, summa scilicet illa paupertas, in quam tam ardens fuit S.P.N. Francisci studium, ut eam *amicam, sororem*, ac *sponsam* appellare in omni vita consueverit; hinc paucis, illicque humilibus rebus contenti omnia cupiditatum incitamenta vitare, & respuere debetis, ea morum gravitate, modestia, atque exemplo tum in itu, cum in reditu incedentes, quæ deceat servos Dei, & humillimos Seraphici Instituti Sectatores. Neque ad dictum Comitiorum locum, & Urbem poterit aliquis quovis nomine, prætextu, aut causa, præter superius vocatos accedere, sub Apostasiæ pœna, nisi particularem, expressamque a nobis facultatem justis de causis obtinuerit. Hanc itidem pœnam ipso facto illi contrahent Vocales, qui aut vanæ curiositatis, aut negociiorum expedientiorum causa, sine nostra expressâ licentia, a recto tramite Capitularis Conventus longo nimis spatio declinaverint; volumusque interea, severeque præcipimus, ut absentibus hac de causa Ministro, & Custode nihil innovetur, donec ad proprias Provincias præfati vocales redierint, irritum plane, atque inane ex tunc declarantes id totum, quod aliquis contra facere, aut moliri præsumpserit.

Ad Provinciarum Custodes juxta veterem, ac laudatissimum Ordinis morem, & Constitutionum nostrarum præ-

scripta ea secum deferre documenta, quæ deferenda esse ex consuetudine constat, omnino spectabit. Inter quæ Conventuum, Fratrum, Monialium viventium, & a postremo generali Capitulo defunctorum numerum secum afferent, sicuti & nomina eorum, qui magna sanctitatis opinione, & fama, vel signis celeberrimi hoc reliquerint concretum, & mortale corpus, ut in cœlestis Jerusalem domum triumphantes ascenderent. Nomina quoque, & virtutes describent eorum, qui miseris gentibus Christi Fidem, & amorem inlicere, atque instillare conantur, iisque Terræ Sanctæ locis, in quibus salutis nostræ Mysteria operatus est Christus, inserviunt. Authentica item documenta deferent earum insignium rerum, quæ in propriis respective Provinciis a proxime superiori generali Capitulo animadversione dignæ contigere, sicuti & operum, quæ vel publici juris nuper facta sunt, vel ut fiant, in promptu reperiuntur. Simili plane modo sub pœna privationis officii, aliarumque pœnarum, arbitrio Definitorii Generalis insligendarum omnibus, & singulis Terræ Sanctæ Commissariis utriusque Familiæ, & cuiuscumque nationis iungimus, atque præcipimus, ut ad legem statutorum Ordinis, per eosdem Patres Custodes ad nos deferantur computus eleemosynarum ad eam respective pertinentium, illarumque fidelis administrationis per legitimas probationes, & documenta muniti, & confirmati.

Demum cum vos ipsi, dilectissimi Fratres mei, probe noscatis, quanta sit agendæ rei magnitudo, & cuius momenti illum Ordini Virum præficere, qui Pauperum Patriarchæ vestigia premat, & præter morum probitatem aliis quoque virtutibus, atque animi dotibus præditus sit, ut recte sancteque tam amplæ Familiæ præesse possit; idcirco hisce litteris, prout moris est, perlectis, ac publicatis vos hortamur, ut iuges ad Deum Patrem luminum preces effundatis, a quo uno secundus rerum nostrarum agendarum eventus sperandus est. Præsertim vero jubemus, ut a Paschate Dominicæ Resurrectionis anni ejusdem 1762. usque ad festum Pentecostes diem, quinta cuiusque Hebdomadæ feria sacrum de Spiritu Sancto, nisi festo solemnè impediatur, decantetur, & a cunctis Sacerdotibus in Missis privatis collecta de eodem recitetur. In  
Choro

Chorò autem post matutinas , & vespertinas horas , Missa m-  
que Conventualem , hymnus *Veni Creator &c.* quotidie reci-  
tandus erit cum versiculis , & orationibus de eodem Sancto  
Spiritu , de Immaculata Deiparæ Conceptione , deque Beatif-  
simo P. N. Francisco . Præterea ab Ascensione Domini Nostri  
Jesu Christi solemnes per Ecclesias supplicationes , & Litanie  
instituantur , inque ipsa Pentecostes Vigilia omnes Religiosi ,  
& Moniales peccata sua confiteantur , cum nostram idcirco  
plenariam auctoritatem eos a casibus omnibus , & censuris no-  
bis reservatis absolvendi Religiosis Confessariis tribuamus . Sa-  
cerdotes sacrum Deo offerant , cæterique Fratres , & Monia-  
les summo mane sacram devotissime suscipiant synaxim , pa-  
riterque Missa de Spiritu Sancto solemnè ritu decantata , fiat  
ut supra Processio . Omnium denique bonorum Auctorem  
Deum , Amantissimi Fratres , enixe deprecamini , ut diù sal-  
vum , & incolumen conservet Pontificem Maximum Clemen-  
tem XIII. qui Ecclesiam summa regit utilitate omnium ,  
tum sapientia & probitate sustentat . Vestras etiam adhibete  
preces pro sospitate Eminentissimi nostri Ordinis Protectoris ,  
cæterorumque Purpuratorum Patrum , Episcoporum , eor-  
umque , quibus nostra Familia jure Patrocinii , munificentia ,  
ac multimoda beneficiorum copia adstringitur , pro pace , &  
concordia Regum , & Principum Christianorum , & postre-  
mo tandem loco pro nobis , qui cum paterno amore semper  
vos fuerimus prosecuti , tum nunc Seraphica benedictione  
vos amantissime complectimur .

Datum Romæ ex Aracœli die 28. Martii 1761.

*Fr. Clemens a Panormo*  
*Minister Generalis .*

De mandato Rm̃i in Christo Patriæ  
*Fr. Vincentius Scutari ex Des.*  
*Gen. , & Sect. Gen. Ord.*

*Alia*

*Alia ejusdem Reverendissimi Patris Generalis littera, urbem Mantuam pro ipsius Capituli Generalis celebratione designantes.*

FR. CLEMENS DE PANORMO

Leſtor Jubilatus, Catholicæ Majeſtatis in Regali Matritenſi  
Congreſſu pro Immaculata Conceptione Theologus, Cleri  
Romani Examinator, totius Ordinis S. P. FRANCISCI  
Minifter Generalis, Viſitator, ac Reformator  
Apoſtolicus, & Servus.

*Univerſis, & ſingulis Patribus, & Fratribus totius Ordinis  
tam Superioribus, quam Subditis, ſalutem, & pacem  
in Chriſto Jeſu, qui unica ſalus, & pax eſt.*

**I**N Encyclica noſtra evulgata ſub die 28. Martii currentis  
Anni 1761. qua Vos, Amantiſſimi Fratres, ad Generale  
Capitulum juxta Ordinis Statuta, conſequente anno 1762. in  
pervigilio Pentecoſtes celebrandum convocabamus, Conven-  
tum, hunc ad effectum, aliquibus juſtis de cauſis designare præ-  
termiſimus. At nunc, rebus, ut par erat, ſcitè perpenſis,  
Cœnobium noſtrum S. Franciſci, quod Mantuæ eſt, unum  
ex omnibus delegimus. Hoc ergo ad Cœnobium pro diſti  
Generalis Capituli celebratione, omnes illos convocamus Fra-  
tres, ad quos vel de jure, vel de more accedere pertinet,  
quemadmodum in laudata ſuperius Encyclica ſatis ſuperque  
ſignificavimus. Valete Filii noſtri dilectiſſimi, Deumque in  
ſacrificiis, ac precationibus veſtris pro noſtra ſoſpitate jugiter  
exorare dignemini, dum interim Seraphicam vobis imparti-  
mur benedictionem.

Datum Romæ ex Aracœli die 31. Julii 1761.

*Fr. Clemens de Panormo*

*Minifter Generalis.*

De mandato Rm̃i in Chriſto Patris  
*Fr. Vincentini Schtari ex Deſ.  
Gen., & Secr. Gen. Ord.*

*In-*

*Indulgentia Plenaria a SSmo Dño Nostro CLEMENTE PAPA XIII.<sup>9</sup>  
concessa omnibus utriusque sexus Christianis, qui vere poenitentes, & confessi, sacraque  
communione refecti aliquam ex Ecclesiis  
nostri Ordinis visitaverint tempore  
Generalium Comitiorum.*

C L E M E N S P A P A X I I I .

*Universis Christianis presentes has inspecluris salutem,  
& Apostolicam benedictionem.*

CUM sicut accepimus Capitulum Generale Fratrum Ordinis S. Francisci de Observantia nuncupatorum in Ecclesia, seu Conventu S. Francisci Fratrum Ordinis hujusmodi die vigesima nona Mensis Maii, benedicente Domino, celebrandum sit, Nos ut opus tam pium majori cum fructu fiat, & ad augendam Christianorum Religionem, & animarum salutem caelestibus Ecclesiae Thesauris pia charitate intenti: Omnibus utriusque sexus Christianis vere poenitentibus, & confessis, ac Sacra Communione refectis, qui praefatam, vel aliquam ex Ecclesiis Conventuum Fratrum Ordinis hujusmodi ubicumque existentibus, die, quo inchoabitur Capitulum Generale hujusmodi, ac singulis diebus actualis illius celebrationis devote visitaverint, & ibi pro Christianorum Principum concordia, Haereticorum extirpatione, ac Sanctae Matris Ecclesiae exaltatione, pias ad Deum preces effuderint, Plenariam semel dumtaxat peccatorum suorum indulgentiam, & remissionem misericorditer in Domino concedimus, praesentibus post celebrationem dicti Capituli Generalis minime valituris. Volumus, ut si pro impetratione, praesentatione, admissione, seu publicatione praesentium aliquid, vel minimum detur, aut sponte oblatum recipiatur, praesentes nullae sint: Utque earumdem praesentium transumptis, seu exemplis, & impressis, manu alicujus Notarii publici subscriptis, & sigillo personae indignitate constitutae, vel Procuratoris Generalis dicti Ordinis munitis, eadem prorsus fides habeatur, quae haberetur ipsis praesentibus, si forent exhibitae vel ostensae.

B

Da-

Datum Romæ apud Sanctam Mariam Majorem sub anulo Piscatoris die 21. Aprilis 1762. Pontificatus nostri anno quarto .

*N. Card. Antonellus .*

*Breve ejusdem SSmi Domini Nostri Papæ , in quo Capituli  
Generalis Præsidentia committitur Eminentissimo ,  
ac Reverendissimo Domino D. Ignatio S. R. E.  
Presbytero Cardinali Cribellio .*

### C L E M E N S P A P A X I I I .

*Dilecte Fili. Noster salutem, & Apostolicam  
Benedictionem .*

**C**UM sicut Nobis nuper expositum fuit , Capitulum Generale Ordinis Fratrum Minorum S. Francisci nuncupatorum Mense Majo proxime venturo in Civitate Mantuana benedicente Domino celebrandum sit , Nos cupientes , ut Capitulum hujusmodi recte , ac feliciter ad Dei gloriam , dictique Ordinis utilitatem celebretur : Te de cujus prudentia , integritate , ac Religionis zelo plurimum in Domino confidimus , in præfato Capitulo Generali , nostro , & Sedis Apostolicæ nomine Præsidentem cum auctoritate , facultatibus , jurisdictione , honoribus , ac oneribus , similibus Præsidentibus , competentibus , & alijs solitis ac consuetis , & cum facultate quando Tu actibus capitularibus interesse non poteris , aliquem Prælatum Tibi benevisum in tui locum ad hujusmodi Præsidentis munus obeundum , cum auctoritate , & facultatibus Tibi per præsentis concessis substituendi , Apostolica auctoritate tenore præsentium facimus , constituimus , & deputamus ; Teque in Domino hortamur , & monemus , ut Capitulum hujusmodi fideliter regere , ac in illo omnia , quæ ad prospectum Fratrum prædictorum regimen , & gubernium pertinent , decerni , statui , ac ordinari cures , & facias . Mandantes propterea in virtute sanctæ Obedientiæ dilectis filiis , eorumdem Fratrum superioribus quocumque nomine nuncupatis , ceterisque

risque Fratribus, & specialiter Vocalibus in præfato Capitulo congregatis, aliisque ad quos spectat, ut Te in ejusdem Capituli Nostro, & dictæ Sedis nomine Præsidentem reverenter suscipiant, Tibique, & per Te substituendo dicto Præfato in omnibus ad Præsidentis hujusmodi Officium pertinentibus pareant, & obediant, atque assistant, ac tua, & ejusdem personæ a Te substituendæ salubria monita, & mandata humiliter suscipiant, & efficaciter adimplere procurent. Non obstantibus Constitutionibus, & ordinationibus Apostolicis, necnon dicti Ordinis etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenoris præsentibus pro plene, & sufficienter expressis, ac de verbo ad verbum insertis habentes, illis aliàs in suo robore permanfuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Anulo Piscatoris die 16. Martii 1762. Pontificatus nostri Anno quarto.

*Patres Rmæ Definitorii Generalis, & plerique fere omnes  
Vocales Mantuam ingressi Civitatem, & in loco Capitulari  
constituti, tum ad negotia Ordinis expedienda,  
tum ad novas faciendas electiones processerunt,  
prout sequitur.*

## SESSIO I. MATUTINA.

*Die 21. Maii 1762.*

CUM constitisset in hac prima Sessione nonnullos AA. RR. PP. Definitores Generales tum ex Cismontana, tum ex Ultramontana Familia adhuc non advenisse, nempe Adm. R. P. Cajetanum de Syracusis ex Cismontana; ex Ultramontana vero Adm. R. P. Claudium Außon Provinciæ Observantis Franco-Parisiensis, Adm. R. P. Demetrium Curterbursck

Provinciae S. Crucis Recollectorum, Adm. R. P. Franciscum Vanden-Venne Provinciae Germaniae Inferioris Recollectorum, Adm. R. P. Petrum Josephum Clerch magni Conventus Parisiensis Observantium ex-Guardianum, & Adm. R. P. Andream Romero Provinciae Baticae Tertii Ordinis: Suffectus fuit ad subrogandum in Definitorio Generali pro absentia, & legitima vacatione Patris Definitoris Generalis de Romero P. Franciscus Thomas Maria de Cardera Pro-Minister ejusdem Provinciae Baticae Tertii Ordinis, exhibitis ejusdem Provinciae Testimoniis, & a Reverendissimo Discretorio Generali acceptatis. In locum autem Adm. R. P. Francisci Vanden-Venne suum pariter adventum legitime excusantis, suffectus fuit auctoritate ejusdem Reverendissimi Discretorii Generalis Adm. R. P. Leonardus Lenders ipsiusmet Provinciae Pro-Minister. Quoad vero alios expectandos adhuc eos esse decretum est.

## SESSIO II. MATUTINA.

*Die 22. Maii.*

CUM absentes Definidores Generales in antecedenti Sessione nominati nondum comparuissent, PP. Reverendissimi Definitorii fuerunt in voto, eos esse usque ad feriam secundam immediate sequentem expectandos, eademque die de integritate totius Definitorii determinandum. Interim vero ad alia, quae de jure agenda erant, procedendum esse judicarunt, praesertim cum major pars Patrum Definitorii Generalis, numero scilicet 23. adesset.

Deputati proinde fuerunt Auditores  
Causarum.

PRO CISMONTANA FAMILIA OBSERVANTIUM.

*Patres Ministri Provinciarum Tuscia, & Terra Laboris.*  
Pro Reformatis.

*Patres Ministri Provinciarum Romana, & Januensis.*

Pro



## Pro Natione Ultramarina .

*Patres Ministri Provinciarum Minoris Poloniae , & Bavariae .*

## PRO ULTRAMONTANA FAMILIA.

## Quoad Provincias Observantes Hispaniarum .

*Patres Minister Provincialis Divi Jacobi , & Custos Provinciae Castellae , cum Custode Provinciae Sanctorum Angelorum .*

## Pro Discalceatis .

*Patres Minister Provinciae Sancti Joannis Baptiste , & Custos Provinciae Divi Pauli , cum Ministro Provinciae Pietatis .*

## Pro Provinciis Observantibus Nationis Gallicae .

*Patres Custos Provinciae Aquitaniae Recentioris , & Pro-Minister Provinciae Sancti Ludovici .*

## Pro Recollectis ejusdem Nationis .

*Pater Pro-Minister Provinciae Immaculatae Conceptionis .*

## Pro Natione Germano-Belgica .

*Pater Minister Provinciae Coloniae .*

## Pro Tertio Ordine .

*Pater Custos Sancti Michaelis in Batavia .*

Revifores Computuum , seu rationum  
Terrae Sanctae .

## PRO FAMILIA CISMONTANA .

*Patres Ministri Provinciae Romanae , & Januensis .*

## Pro Natione Ultramarina .

*Patres Pro-Minister Provinciae Bosnae Argentinae , & Custos Austriae .*

## PRO ULTRAMONTANA FAMILIA.

## Quoad Provincias Hispaniarum .

*Patres Custos Provinciae Cartaginensis , Minister Provinciae Cantabriae , & Custos Provinciae Solitudinis .*

Pro

## Pro Natione Gallica.

*Patres Guardianus Magni Conventus Parisiensis, & Minister  
Provinciae Britannicae.*

## Pro Natione Germano-Belgica.

*Patres Minister Provinciae Sanctae Elisabeth Inferioris Thuringiae,  
& Minister S. Joseph in Comitatu Flandriae.*

Ad colligendas autem, & lustrandas Scripturas Provinciarum, & computandos sumptus Terrae Sanctae designati fuerunt iidem Patres Auditores Causarum.

*Die 23. Maii.*

CUM Eminentissimus, & Reverendissimus Dominus. D. Ignatius Cardinalis Cribellius, delegatus specialiter fuisset a Sanctissimo Domino Nostro CLEMENTE XIII. ad praesidendum nostris hisce Generalibus Comitibus, Urbemque Mantuam jam antea fuisset ingressus; mane hujus diei, hora quarta ante meridiem ad locum Capitularem accessit, ibique a Reverendissimo P. Ministro Generali, cæterisque Vocalibus, ea, qua par erat, lætitia & plausu exceptus, fuis de more precibus ante Aram majorem Ecclesiae, Sacroque celebrato, ad Thronum in eadem Ecclesia paratum, ab omnibus Definitorii Patribus, aliisque Vocalibus sociatus perrexit, ubi lecto Brevis Apostolico commissæ sibi Delegationis, tam Reverendissimus P. Minister Generalis, quam reliqui Vocales omnes debitam ei præstiterunt obedientiam. Tenor autem præfati Brevis est.

CLEMENS PP. XIII.

*Dilecte . . . . . ut supra.*

SESSIO III. MATUTINA.

*Die 24. Maii.*

Absentibus adhuc Patribus Definitoribus Generalibus Claudio Aulston, & Demetrio Curterburck, & nondum com-

15

comparentibus, suffecti fuerunt loco primi Adm. R. P. Augustinus Fournier Minister Aquitaniæ Antiquioris, & loco secundi Adm. R. P. Audomarus Riefers Minister S. Crucis in Saxonia.

Pater Minister Baviaræ Reformatorum designatus pro revisione Causarum, & Pater Custos Provinciæ Portugalliæ sese excusarunt ab hoc onere ob male affectam valetudinem; unde eorum loco suffecti fuerunt Pater Minister Carniolæ Reformatorum, & P. Custos Algarbiorum.

Petentibus Patribus Definitoribus Generalibus Familiæ Cismontanæ sibi concedi Suffragium perpetuum in propriis Provinciis, etiam post terminatum Definitorium Officium = Rescriptum fuit: *Supplicetur Sanctissimo ab Officialibus Curia juxta petita.*

Petentibus Patribus Observantibus Minoris Poloniæ approbationem municipalium suorum Statutorum = *Designati fuerunt ad illa examinanda PP. Ministri Majoris Poloniæ, & Russia.*

Recogniti tandem fuerunt ac legitimati Patres Vocales Cismontanæ Familiæ.

#### SESSIO IV. VESPERTINA.

*Die eadem 24. Maii.*

**R**ecogniti, ac legitimati fuere PP. Vocales Ultramontani.

#### SESSIO V. MATUTINA.

*Die 25. Maii.*

**V**ocales nonnulli, qui antea abfuerant ex utraque Familia Cismontana, & Ultramontana, legitimati fuere.

Ad querelas Provinciæ Reformatorum Poloniæ Majoris ex una, & Novæ Provinciæ pariter Reformatorum, Prussiæ ex altera parte, super detentione, & possessione nonnullorum Conventuum = Censuit Discretorium Generale, *dedu-*

*deducta utriusque partis jura esse examinanda, cum voto a duobus Patribus in Capitulo Generali exigentibus, concorditer per litigantes partes nominandis.*

Recurrentibus PP. Aloysio Maria de Caprarola, & Petro-Baptista de Roma Lectoribus sexennialibus in Conventu S. Francisci Corneti Provinciæ Romanæ Obiervantis pro aliqua præcedentia = Rescriptum fuit: *Serventur Statuta Ordinis.*

Pater Minister Provinciæ S. Helenæ in Florida admissus est ad suffragandum ex speciali gratia pro hac vice tantum. Interdictum autem Provinciis Indiarum fuit, ne in posterum eligere audeant in Ministros Provinciales PP. illos, qui commorantur in Europa, & hoc sub pena nullitatis.

Tertiariis Provinciæ S. Mariæ Gratiarum in Sardinia, qui postulabant concessionem Suffragiorum post mortem, = Concessum fuit, *ut pro illis, qui per decem Annos ad minus Provinciæ inservierint, una Missa celebretur a Singulis Sacerdotibus illius Conventus, in quo decesserint; & exequiæ, presente Cadavere persolvantur cum Officio, & solemnî Missa Defunctorum: in reliquis vero Provinciæ Conventibus Notitium, & una tantum Missa celebretur.*

Postulantibus Vocalibus Indiarum majora Privilegia = Rescriptum fuit: *Novis Privilegiis non esse locum, eos tamen juxta itineris labores esse honorandos.*

## SESSIO VI. MATUTINA.

*Die 26. Maii.*

**D**esignati fuerunt a Partibus, & approbati a Definitorio Generali pro examine, & recognitione jurium, in controversiis inter Provincias Reformatas Majoris Poloniæ, & Prussiæ PP. Minister Provinciæ Reformatæ Minoris Poloniæ, & Custos Custodiæ Reformatæ Russiæ, prout in superiori Sessione.

Perlectæ, & admittæ fuerunt excusationes aliquarum Provinciarum de impotentia accedendi ad præsens Capitulum Generale.

Provinciæ Tertii Ordinis ad Capitulum Generale ex jure concurrentes postularunt. *Primo*, ut eis atque pro eis decla-

17

declaretur præcedentia super omnes quascumque imposte-  
rum erigendas Provincias . *Secundo* , quod si quando occur-  
rat casus , cujus decisio non reperitur in earum propriis  
legibus , recurrere debeant , & possint ad Generalia Ordinis  
Statuta , quæ nec Regulæ Tertii Ordinis , nec Constitutio-  
nibus , aut laudabili earundem Provinciarum consuetudini mi-  
nime adversentur = Rescriptum fuit : *ad omnia juxta petita* .

Postulantibus Lectoribus Emeritis Provinciæ Reformatæ  
Calabriæ citerioris præcedentiam aliquam = Responsum fuit :  
*serventur Statuta Ordinis , & Constitutiones Apostolica .*

## S E S S I O VII. M A T U T I N A .

*Die 27. Maii .*

**C**UM ad aures pervenisset Reverendissimi Patris Petri  
Joannetii de Molina ex-Ministri Generalis immediati ,  
quod in manibus Eminentissimi , & Reverendissimi Præsidis  
haberetur Sanctissimi Domini Nostri Papæ rescriptum , quo-  
rundam Patrum opera , non sua obtentum , quo Sanctitas  
Sua dignata fuerat ipsum habilitare ad hoc ut iterum eligi  
posset in Generalem Ministrum , non obstante , quod juxta  
Generalia Ordinis Statuta , ab eodem officio duodecim anno-  
rum spatio non vacaverit ; hinc prælaudatus Reverendissimus  
Pater protestatus est in pleno Discretorio Generali , & ex-  
posuit , prout sequitur .

*Reverendissimi , & Admodum Reverendi Patres .*

**P** Fr. Petrus Joannetius de Molina ex-Minister Generalis  
Ordinis coram Reverendissimis , & Admodum Reve-  
rendis Paternitatibus Vestris humiliter exponit , quod intellectu  
bene in sero , quod Eminentissimus Dominus Cardinalis Præ-  
sidentis notum fecit Rescriptum Sanctissimi Domini nostri , per  
quod Sanctitas sua dignata fuit eundem Supplicantem habili-  
tare ad hoc , ut eligi possit in Ministrum Generalem , non  
obstante , quod vacaverit tantummodo sex annorum spa-  
tio , cum deberet vacare spatio duodecim annorum . Ipse  
vero exponens , quod non vidit usque modo præfatum Rescri-  
ptum ,

ptum, neque aliquam petitionem fecit, quinimmo sæpius sibi oblatam etiam a primoribus Romanæ Curix Purpuratis hanc habilitationem constanter recusavit, & renuit: cumque mutatus animo non sit; Hoc præsentî scripto declarat se minime consentire præhabitæ, aut publicatæ habilitationi, quinimmo sponte, libere, & ex animo renuntiat cuicumque juri sibi ex ea proveniente ad hoc, ut possit eligi in Ministrum Generalem Ordinis in præsentî Capitulo, & deprecatur humiliter Paternitates Vestras Reverendissimas, & Admodum Reverendas, quatenus hanc renuntiationem acceptare dignentur, & eam publicare omnibus Vocalibus, ut omnibus constet.

Ex hoc Conventu Capitulari Sancti Francisci Mantux hac die 27. Maii 1762.

*Fr. Petrus Joannetius de Molina  
ex-Minister Generalis.*

*Suprapositam Protestationem rejecit Discretorium  
Generale sequenti Rescripto.*

**P**erlecta anteriori renuntiatione ab eodemmet Reverendissimo Patre de Molina, ab omnibus Patribus Definitorii, & Discretorii Generalis responsum fuit, nullatenus debere admitti, sicut nec admissa fuit. Hac die 27. Maii 1762.

Ita est

*Fr. Franciscus Thomas Maria de Cardera  
Definitor Generalis subsl. & Sec. Discretorii Generalis.*

Advenit Adm. R. P. Benedictus a Serpa Procurator Generalis Discalceatorum & Recollectorum, & admissus fuit; Patresque Vocales, qui una cum ipso e Lusitania adveniant, fuerunt legitimati.

Postulante Adm. R. P. Petro Josepho Clerch Definitor Generali favorabile rescriptum pro redintegratione expensarum itineris sui ad præsens Capitulum, a Patre Ministro Provinciæ Gallicæ S. Bonaventuræ facienda: Item ut  
sibi

sibi servarentur Privilegia, & exemptiones, quæ per Statuta Ordinis, & Constitutiones Apostolicas conceduntur Definitoribus Generalibus Ordinis = *Statutum fuit, indicatas pro itinere expensas esse a præfato Ministro reintegrandas; Oratori autem servanda esse Privilegia per Statuta Ordinis, & Apostolicas Sanctiones Definitoribus Generalibus concessa.*

Exponente Adm. R. P. Thaddæo Laplesse Definitori Generali recursum Provinciæ S. Antonii Recollectorum in Arthesia super causa Monialium inobedientium, & quæ maximam molestiam ingerunt toti Provinciæ, eo vel maxime quod excutere velint jugum superiorum Ordinis, ut Ordinarios adeant = Rescriptum fuit juxta sequentem tenorem: *conceditur omnibus Patribus Ministris, & Definitoriis omnium Provinciarum tam Observantium, quam Recollectorum in Gallia, & in Belgio, ut juxta ordinem, qui servari solet, renuntiare, & dimittere possint Monasteria Monialium, quæ molesta sunt quieti Ordinis.*

Provinciæ Discalceatorum S. Petri de Alcantara, & S. Paschalis in Regno Neapolis constituta postularunt: *Primo*, ut in consideratione haberentur quoad Definitorium Generale Discalceatorum Hispaniarum, quibus Provinciæ illæ sunt aggregatæ. *Secundo*, quod quando Procura Generalis Discalceatorum, & Recollectorum non sit collata alicui Patri ex ipsis duabus Provinciis Discalceatis Neapolis, possint habere Romæ in Conventu SS. Quadraginta duos Religiosos discretos, unum pro unaquaque Provincia, qui possint, & valeant propriarum respective Provinciarum negotia expedire = Rescriptum fuit: *Quoad primum, competere memoratis Provinciis aequale jus ad Definitorium Generale, & ad alia Ordinis officia, quod competit reliquis Hispaniarum Provinciis Discalceatis. Ad secundum, satis provisum esse in Statutis Ordinis, & Sanctionibus Apostolicis.*

## SESSIO VIII. VESPERTINA.

*Eadem die 27. Maii.*

**C**oram Eminentissimo, & Reverendissimo Præside lecta fuit Supplicatio, quam AA. RR. PP. Procurator Generalis Reformatorum, & Vice-Procurator Generalis Discal-

ceatorum porrexerant Sanctissimo Domino Nostro CLEMENTI PP. XIII. pro habilitatione Reverendissimi Patris Petri Joannetii de Molina ad officium Ministri Generalis, de quo supra in antecedente Sessione; ac lectum pariter, & quap par erat reverentia acceptatum fuit ejusdem Sanctissimi Domini Nostri rescriptum, memoratam continens habilitationem. Supplex porro libellus Summo Pontifici ab antedictis Patribus exhibitus, una cum Sanctitatis Suae rescripto, est hujusmodi.

*Foris* = Alla Santità di Nostro Signore CLEMENTE XIII.  
Il Procuratore Generale de' Min. Riformati, e Vice-Procuratore Generale de' Min. Scalzi, e Recolletti.

*Intus* — BEATISSIMO PADRE.

**I**L Procuratore Generale de' Min. Riformati di S. Francesco a Ripa, ed il Vice-Procuratore Generale de' Min. Scalzi, e Recolletti della Famiglia Oltramontana umilissimi Oratori della Santità Vostra, riverentemente espongono, che assai probabilmente nel Capitolo Generale li PP. Vocali in caso di qualche disordine, o disparere rivolgeranno le loro mire alla degnissima Persona del Reverendissimo Padre Pier Giovanni di Molina Ex-Generale di tutto l'Ordine, per eleggerlo la seconda volta Ministro Generale, e togliere di mezzo ogni sussurro con il di lui nome assai rispettato nell'Ordine.

Ma poichè non può egli essere nuovamente eletto Ministro Generale senza la dispensa della necessaria vacanza, così li umilissimi Oratori supplicano istantemente la S. V. volerli degnare con suo rescritto di accordare la detta dispensa, come molte volte si è fatto, acciò li Vocali possano eleggerlo Ministro Generale, e comandare al detto P. Reverendissimo Molina, che accetti quando sovra di lui cada la elezione. Tale Grazia, siccome mira solo a togliere quelli ostacoli, che sul fatto potrebbero attraversare, e rendere dubbiosa la elezione di altri Candidati idonei, e degni, così li umilissimi Oratori nuovamente la implorano, e sperano dal Zelo, e Clemenza grande della Santità Vostra. Quam Deus &c.



22

*Foris* = Ex Audientia Sanctissimi . Die 22. Aprilis 1762.

Sanctissimus, attentis expositis, ex speciali gratia benigne annuit pro petita habilitatione ad effectum, de quo in precibus contrariis quibuscumque non obstantibus. Et gratia hujusmodi per præsens rescriptum proinde valeat, ac si super ea Apostolica Litteræ in forma Brevis expeditæ fuissent.

C. Card. Rezzonico.

*In Regist.*

Loco \* Sigilli.

*D. Petrus Ròvassi a Secretis.*

Post hæc facta syndicatione in Superiores, & Officiales Generales Ordinis. perlectisque rescriptis syndicationum hujusmodi ab universis Provinciis Ordinis transmissarum; repertum fuit nedum nullam esse querelam adversus Reverendissimos Superiores, & AA. RR. PP. Officiales Generales Curia, verum etiam ab omnibus plurimas ipsis referri debere gratias, eisdemque laudandos, atque æternam ipsis deprecandam a Deo Optimo Maximo retributionem.

*Die 28. Maii.*

**P**eracto scrutinio Vocalium omnium tum Cisfontanæ, tum Ultramontanæ Familæ, qui in Mantuano hoc Capitulo aderant, coram Eminentissimo ac Reverendissimo Præside, cum probe innotuisset, majorem Vocalium partem Familæ utriusque stare pro Reverendissimo Patre Petro Joannetio de Molina, minor pars acquievit, & majori sese accessuram promisit.

*Die 29. Maii.*

**I**N hoc Pentecostes pervigilio hora duodecima matutina; Sacro ad implorandum lumen, & illapsum Spiritus Sancti religiosissime facto, omnes Patres Vocales templum ingressi, suis in locis confederunt. Accedente vero Eminentissimo, & Reverendissimo Comitiorum Generalium Præside, delectis-



Etisque de more Disquisitoribus, omnibusque Vocalibus præsentibus proprio nomine vocatis, claraque voce respondentibus *Adsum*; post invocationem S. Spiritus, & brevem quidem, sed eruditam non minus, quam piam orationem, ab eodem Eminentissimo Præfide habitam ad Electores, abdicatumque a Ministro Generali, petita admissorum, & omisorum venia, regimen; tandem ventum est ad præstanda pro electione Generalis Ministri suffragia. Retectis deinde omnium Vocalium schedulis, constitit in Rmum Patrem Petrum Joannetium de Molina eadem fere omnia suffragia confluisse; ideoque renuntiatus, declaratus, & publicatus fuit Minister Generalis totius Ordinis Fratrum Minorum, rite, & canonice iterato electus, idem Reverendissimus Pater Petrus Joannetius de Molina, eamque electionem Eminentissimus, & Reverendissimus Dominus firmam, ratamque habuit; concrementisque schedulis, sollemnis e suggestu publicatio de more hisce verbis peracta est.

IN NOMINE DOMINI. AMEN.

**H**ÆC est electio Rm̃i P. Ministri Generalis totius Ordinis Fratrum Minorum per Patres Vocales in Ecclesia S. I. N. Francisci Mantuana Civitatis capitulariter, ac legitime congregatos, anno Domini millesimo septingentesimo sexagesimo secundo, die vero vigesima nona mensis Maii, canonice, & rite celebrata, in qua quidem electione interfuerunt tercentum, & octo Suffragia, quorum Rm̃us P. Petrus Joannetius de Molina his centum, & septuaginta novem habuit.

Hic adnumerantur nomina Candidatorum, & quot reliquis ex suffragiis singuli nacti sunt, a quibus per censendis, ut mos est, duximus supersedendum.

Et ego F. Colombinus de Senis Minister Tuscia, annus ex Disquisitoribus, & Compromissariis, virtute compromissi in me, & in Socios meos limitati, nomine omnium, qui in dictam electionem convenerunt, & consenserunt, præfatum R. P. Petrum Joannetium de Molina Ministrum Generalem canonice electum nomino, & se electum denuntio. In nomine Patris, & Filii, & Spiritus Sancti. Amen.

Ita est F. Martinus Fallize Lector Jubilatus, Provincia Flau-

*Flandriæ Fratrum Minorum Recollectorum Custos in Disquisitorem assumptus.*

*Ita est F. Petrus Orèro Minister Provinciæ S. Jacobi, & Disquisitor.*

*Ita est F. Petrus Josephus Clerch Definitor Generalis, & Disquisitor.*

*Ita est F. Ludovicus Hoffman Custos Reformatæ Custodiæ Russiæ, & Disquisitor.*

*Ita est F. Eustachius a Neapoli Observantis Provinciæ Terriæ laboris Minister, & Disquisitor.*

*Ita est F. Colombinus de Senis Observantis Provinciæ Tusciæ Minister, Disquisitor, & Secretarius.*

Tum patefactis Templi januis, ac *Te Deum* solemniter decantato, Vocales, cæterique Fratres omnes ad Aram maximam per solemnem supplicationem properantes, manumque Reverendissimi Patris quam demississime osculantes, debitam ei obedientiam, ac reverentiam exhibuerunt, innumera spectante populi multitudine quæ ad idem Templum hac de causa sese contulerat.

*Die 30. Maii.*

**C**ongregatis in mane Cismontanæ Familiæ Vocalibus, eisdemque de more suffragantibus, prodiit Canonica electio Reverendissimi Patris Paschalis a Varisio Reformatæ Provinciæ Mediolanensis Ministri in Commissarium Generalem ejusdem Familiæ, quæ quidem electio publicata fuit, ut sequitur.

IN NOMINE DOMINI. AMEN.

**H**æc est electio Reverendissimi Patris Commissarii Generalis Ordinis Minorum totius Familiæ Cismontanæ per PP. Vocales in Conventu S.P.N. Francisci Mantuanæ Civitatis capitulariter, & legitime congregatos, anno millesimo septingentesimo sexagesimo secundo, die trigesima Maii, canonice, & rite celebrata, præsidente in ea E. M. & R. M. D. D. S. R. E. Cardinali Cribellio, specialiter a SS. M. D. N. CLEMENTE XIII. Delegato, in qua quidem electione interfuerunt centum quinqua-

*Quaginta sex Vocales (unus tamen schedulam in albo dedit) ex quibus Suffragiis Rm̃us P. Paschalis a Varisio centum quadraginta & octo habuit.*

*Et ego F. Columbinus de Senis, Minister Observantis Provinciae Tusciae, unus ex Disquisitoribus, & Compromissariis, virtute compromissi in me, & in Socios meos limitati, nomine omnium, qui in dictam canonicam electionem convenerunt, & consenserunt, praefatum Rm̃um P. Paschalem a Varisio, in quem major pars votorum consensit, in Commissarium Generalem totius Familiae Cismontanae canonicè electum nomino, & sic electum enuncio. In nomine Patris, & Filii, & Spiritus Sancti. Amen.*

*Ita est Frater Ludovicus Hoffman custos Regiminis custodiae Russiae Reformatae, & Disquisitor.*

*Ita est Frater Eustachius de Neapoli Observantis Provinciae Terra Laboris Minister, & Disquisitor.*

*Ita est Frater Colombinus de Senis Observantis Provinciae Tusciae Minister, & Secretarius.*

*Die 31. Maii.*

**H**ora matutina electio prodiit Procuratoris Generalis Ordinis, aliorumque Officialium Generalium in Curia Romana, prout sequitur.

**IN NOMINE DOMINI. AMEN.**

*Hac est electio Adm: R. P. Procuratoris Generalis Ordinis.*

**A**dmodum R. P. Petrus Font Lector Jubilatus, & iterato Minister Provincialis Provinciae Cathalauniae electus fuit Procurator Generalis Ordinis, ad hoc munus obeundum post expletum biennium exercitii, quod ad praesens habet in Curia Romana A. R. P. Joannes Alfaro Coronada, qui ante Capitulum Generale erat Commissarius Generalis Curiae, quique debet exercere munus Procuratoris Generalis usque ad praedictum tempus dicti biennii. Suffragati sunt in hac Electione PP. Vocales Regularis Observantiae Familiae Ultramontanae, & a Rmo P. Ministro Generali ejusdem electio fuit confirmata.

*Ele-*

**S**uffragantibus Vocalibus Cismontanæ Familiæ Observantium, A. R. P. Fr. Gregorius de Marfalia Lector Jubilatus, & Provinciæ Vallis Mazariæ Custos, pro Officio Commissarii Generalis Curia Romanæ rite, & canonice electus fuit, eademque Electio a Rmo P. Generali confirmata.

*Electio Adm. R. P. Procuratoris Generalis Reformatorum.*

**A**dmodum R. P. Carolus a Golleono Reformatae Provinciæ Brixia Lector Emeritus, quondam a secretis Reverendissimi P. Ministri Generalis, & per integrum præteritum sexennium jam Procurator Generalis, in eodem officio fuit iterum Electus, & Confirmatus, Suffragantibus, & instantibus Patribus Vocalibus Reformatis Cismontanæ Familiæ, eademque electionem, & confirmationem Rmus P. Minister Generalis firmam, ratamque habuit.

*Electio Adm. R. P. Procuratoris Generalis Discalceatorum  
& Recollectorum.*

IN NOMINE DOMINI.

**H**ÆC est electio Adm. R. P. Procuratoris Generalis Discalceatorum & Recollectorum, per PP. Vocales in hoc conventu S. P. N. Francisci Civitatis Mantua, capitulariter, & legitime congregatos die trigesima prima Mensis Maii anno millesimo septingentesimo sexagesimo secundo, canonice, & rite celebrata. In qua quidem electione Adm. R. P. Joannes Lutre Lector Sac. Theologia antiquus, & Custos Provinciæ Discalceatorum S. Gabrielis habuit vota sexaginta tria.

Et ego Fr. Marcus Antonius Gravols unus ex Disquisitoribus, & Compromissariis, virtute compromissi in me, & in socios meos limitati, nomine omnium, qui in dictam electionem conveniunt, & consenserunt, præfutum Adm. R. Patrem Joannem Lutre Procuratorem Generalem Discalceatorum, & Recollectorum canonice electum nominò, & sic electum enuntio. In Nomine Patris, & Filii, & Spiritus Sancti. Amen.

Ita est. Fr. Joannes a D. Clara Minister Provincialis Provinciæ Conceptionis in Lusitania Disquisitor compromissarius.

D

Ita

*Ita est. Fr. Joannes Baptista Servera Minister Provinciae S. Joannis Baptista Disquisitor, & Compromissarius.*

*Ita est. Fr. Marcus Antonius Gravols Secretarius Generalis Ordinis, Disquisitor, Compromissarius, & Secretarius.*

Contigit in Electione Procuratoris Generalis Ordinis, quod PP. Vocales nationis Germano-Belgicae, qui ad eandem jus habebant, per oblivionem non fuerint vocati; Qui tamen acceperunt per sequentem declarationem, manu eorundem Vocalium subscriptam, & approbatam ab Eñño, & Rñño Præfide, tenoris sequentis.

*Reverendissimo Patri Petro Joannetio de Molina Ministro Generali totius Ordinis Sanctissimi Patris nostri Francisci, inclinata Nationis Germano-Belgicae Patres Vocales Mantuae in Capitulo Generali praesentes omnimodam reverentiam & obedientiam.*

CUM juxta declarationem a Reverendissima Paternitate Vestra Admodum Reverendo Patri Leonardo Lenders Definitori Generali Substituto factam, per meram oblivionem naturalem contigerit, Patres Vocales praefatae Nationis Germano-Belgicae ad electionem Admodum Reverendi Patris Procuratoris Generalis Curiae Romanae non fuisse vocatos; hinc libentissime hoc scripto declarant, sibi hac Reverendissimae Paternitatis Vestrae declaratione esse satisfactum, & insuper accedunt Electioni praefati Admodum Reverendi Patris Procuratoris Generalis in persona Patris Petri Font, a reliquis Patribus Vocalibus factae.

*Fr. Audomarus Rieken Definitor Generalis Substitut.*

*Fr. Leonardus Lenders Definitor Generalis Substitut.*

*Fr. Sebalduß Mindeter Minister Provincialis Argentinae.*

*Fr. Balthasar Clellin Minister Provincialis Coloniae.*

*Fr. Valentinus Rosser Provincia Thuringia S. Elisabeth Minister Provincialis m.pp.*

*Fr. Jacobus Van-maelsaccke Pro-Minister Provinciae Comit. Fland. S. Jos.*

*Fr. Modestus Alban Minister Provincia Thuringia Infer. S. Elisabeth m.pp.*

*Fr.*

*Fr. Franciscus Pettit Provincia Hibernia Pro-Minister.*

*Fr. Ferdinandus Vvoldering Provincia Saxonie S. Crucis Custos m.pp.*

*Fr. Leonardus Hertlein Provincia Argentina Custos m.pp.*

*Fr. Joseph Nephen Provincia Colonienfis Custos m.pp.*

*Fr. Martius Fallize Provincia Flandrie Custos m.pp.*

*Fr. Vinimatus Arnold Provincia Thuringie Custos m.pp.*

*Fr. Jacobus Van-Mooock Provincia Germ. Infer. Custos m.pp.*

*Fr. Bertinus Ovaer Custos Provincia Comit. Flandr. S. Joseph.*

*Fr. Marcellus Molitor Custos Provincia Thuringie Infer. m.pp.*

Admissa fuit accessio Nationis Germano-Belgicae ad praefatam electionem Procuratoris Generalis, approbante etiam Eminentissimo, ac Reverendissimo Domino D. Card. Praeside Cribellio, cum declaratione, quod omissio supra expressa nullum unquam praedictum adferat praefatae inclutae Nationi, illiusque Vocalibus.

Ita est

*Fr. Franciscus Thomas Maria de Cardera*  
*Definitor Generalis, & Secretarius*  
*Capituli Generalis.*

*Die secunda Junii.*

Hora Matutina peracta est electio Definitorum Generalium utriusque Familiae.

PRO FAMILIA ULTRAMONTANA.

*Adm. R. P. F. Daniel Gricourt, Minister Provinciae S. Antonii in Arthesia Recoll.*

*Adm. R. P. F. Marinus Barbè, Doctor Sorbonicus, & Minister Provincialis Provinciae Turoniae majoris, & Guardianus magni Conventus Parisiensis Obser.*

*Adm. R. P. F. Antonius de Alcoba, Lector Jubilatus, Ex-Minister, & Custos Provinciae Granatensis Regularis Obser.*

D 2

*Adm.*

- Adm. R. P. F. Joannes a S. Maria, & Lema, Lector Jubilatus, Ex-Minister, & Custos Provincia Legionensis Tertii Ordinis.*  
*Adm. R. P. F. Augustinus Fournier, Lector Sacrae Theologiae, & Minister Provincia Aquitania Antiquioris Observ.*  
*Adm. R. P. F. Joannes Servera, Lector Sacrae Theologiae, & Minister Provincia S. Joannis Baptista Discalc.*  
*Adm. R. P. F. Balthassar Celli, Lector Jubilatus, & Minister Provincia Coloniensis Recollect.*  
*Adm. R. P. F. Petrus Otéro, Lector Jubilatus, in Regia Salmantina Accademia Doctor Theologus, & Regius Professor, & Minister Provincia S. Jacobi Regul. Observant.*  
*Adm. R. P. F. Martinus Fallize, Lector Jubilatus, & Custos Provincia Flandria Recollect.*  
*Adm. R. P. F. Antonius a Plagis, Theologus, Concionator. & Custos Provincia Arrabidorum Discalceat.*

• PRO FAMILIA CISMONTANA •

- Adm. R. P. F. Joseph Maria a Vedano, Lector Jubilatus, Ex-Provincialis, & Custos Provincia Mediolanen. Observant.*  
*Adm. R. P. F. Bernardinus a Panormo, Lector Emeritus, & Ex-Provincialis, & Custos Provincia Vallis Mazaria Reformat.*  
*Adm. R. P. F. Syrus a S. Georgio, Lector Theologus, & Minister Provincia S. Didaci Reformatorum.*  
*Adm. R. P. F. Venustianus Hiebel, Lector Generalis, & Minister Provincia Bavaria Reformatorum.*  
*Adm. R. P. F. Cherubinus a Roma, Lector Jubilatus, & Minister Provincia Romana Observant.*  
*Adm. R. P. F. Franciscus Przylacki, Lector Jubilatus, Ex-Provincialis, & Pro-Minister Provincia Lithuaniae Observ.*  
*Adm. R. P. F. Thomas Hyacinthus ab Asculo, Lector Theologus, & Minister Provincia Marchia Reformat.*  
*Adm. R. P. F. Bonaventura ab Arzano, Lector Jubilatus, & Minister Provincia S. Angeli Observant.*  
*Adm. R. P. F. Dominicus Blasco a Tabernis, Lector Jubilatus, & Minister Provincia Calabriae Observant.*

Decini Definitoris Generalis Cismontani electio iustis de causis suspensa fuit, & remissa Oraculo Sanctissimi in Christo Patris, & Domini Nostri CLEMENTIS Papae XIII.

Exple-



29

*Expletis electionibus omnibus, reassumpta, & prosecuta  
fuerunt Sessiones ad negotia Ordinis expedienda,  
prout sequitur.*

## SESSIO IX. VESPERTINA.

*Die 2. Junii 1762.*

**A**uctoritate R<sup>m</sup>i Generalis noviter electi nominati sunt Secretarii in novo Definitorio Generali. Pro Familia Cismontana A. R. P. Cherubinus a Roma Provinciæ Romanæ Observantium Minister, & Definitor Generalis; Pro Ultramontana A. R. P. Petrus Otéro Minister Provinciæ S. Jacobi, & Definitor Generalis.

Ex Vocalibus pariter utriusque Familiæ Cismontanæ, ac Ultramontanæ, tam Observantium, quam Reformatorum, Discalceatorum &c. electi fuerunt, qui Causas, Postulationes, instantias Capitulo Generali exhibitas tamquam totius Capituli Discreti discuterent, una cum novo Definitorio Generali, pro matura earumdem Causarum &c. decisione. Fuerunt autem sequentes.

### PRO FAMILIA CISMONTANA OBSERVANTIUM.

RR. PP. *Minister Tuscia.*

*Minister Provincia Janua.*

*Minister Provinc. Vallis Netbi.*

*Minister Provinc. Principatus.*

*Minister Provinc. Marchia.*

*Ex-Custos immediatus Terra Sancta.*

*Custos Provincia Romana.*

*Custos Provincia Marchia.*

*Custos Provincia Janua.*

*Custos Provincia Tuscia.*

*Custos Provincia S. Angeli in Apulia.*

Præses = Adm. R. P. Cajetanus a Syracusi Ex-Definitor Generalis, & in ejus absentia Adm. R. P. Bernardinus a Spallatro Ex-Definitor quoque Generalis.

REFOR-

- RR. PP. *Minister Provinc. Brixia .*  
*Minister Provinc. Vallis Mazaria .*  
*Minister Provinc. Carniola .*  
*Minister Provinc. Bononien .*  
*Minister Provinc. S. Vigili .*  
*Custos Provinc. Romana .*  
*Custos Provinc. Marchia .*  
*Custos Provinc. Bononien .*  
*Custos Provinc. Brixia .*  
*Custos Provinc. Carniola .*  
*Custos Provinc. S. Vigili .*  
*Custos Provinc. Bavaria .*

Præses = Adm. R. P. *Benedictus a Cavallesio ex-Definitor Generalis .*

PRO FAMILIA ULTRAMONTANA OBSERVANTIUM.

- RR. PP. *Minister Provinc. Batia .*  
*Minister Provinc. Burgenfis .*  
*Minister Provinc. Valentia .*  
*Custos Provinc. Aragonia .*

FORUMDEM OBSERVANTIUM GALLORUM.

- RR. PP. *Custos Provinc. S. Bonaventura .*  
*Custos Custodia Sabaudia .*  
*Custos Provinc. S. Ludovici .*

LUSITANORUM.

- RR. PP. *Minister Provin. Algarbiorum .*  
*Minister Provinc. Solitudinis .*  
*Pro-Minister S. Antonii in Brasilia .*  
*Custos Custodia de Madèra .*

DISCALCEATORUM.

- RR. PP. *Custos Provinc. Conceptionis .*  
*Pro-Minister Philippinarum .*  
*Custos Custodia S. Paschalis .*

RR. PP. *Minister Provinc. Britanniae .*  
*Custos Provinc. S. Antonii in Artbesia .*

NATIONIS GERMANO-BELGICÆ.

RR. PP. *Custos Provinc. Colonienfis .*  
*Minister Provinc. S. Elisabeth Superioris Thuringiae .*  
*Minister Provinc. S. Elisabeth Thuringiae Inferioris .*

TERTII ORDINIS.

R. P. *Minister Provinc. Legionensis .*  
 Præsides = AA. RR. PP. *Ignatius Dominguez .*  
*Emmanuel Martinez del Barrio .*  
*Florianus a S. Stephano .*  
*Franciscus Thomas de Cardera Ex-*  
*Definitores Generales .*

Idem A. R. P. Franciscus Thomas de Cardera ex-Definitor Generalis substitutus qui supra pro Tertio Ordine, declarari postulavit : *Primo*, sibi ex jure competere privilegia, quæ pro Definitoribus Generalibus Substitutis taxantur in Statutis Ordinis. *Secundo*, non esse interruptum, seu interpolatum tempus suæ lectionis, per absentiam a Provincia ad præsens Capitulum Generale = Declaratum fuit, *ad utrumque juxta petita .*

SESSIO X. MATUTINA.

*Die 3. Junii .*

**I**N causa Reformatæ Provinciæ majoris Poloniæ, qua petitur, ut sibi restituantur duo Conventus, videlicet Thorunio-Pogdonienfis, & Ulatislavienfis, qui ad præsens possidentur a nova Provincia Reformatæ Prussiæ = *juxta consultationem, & votum eorum Patrum, quibus examen, & recognitio hujus Causæ commissa fuit sessione VI. decretum est, ut peculiaris de hac re a Capitulo Generali extendatur relatio, quæ consignetur Procuratori Generali Reformatorum, ad effectum illam*

iam transmittendi ad S. Congregationem, negotiis Episcoporum, & Regularium præpositam, ut dignetur eadem Sac. Congregatio illud decernere, quod opportunius in Domino videbitur expedire.

Audito favorabili voto Patrum Auditorum, quibus sessione III. Statutorum municipalium Provinciæ Minoris Poloniæ Observantium commissa fuerat revisio = *Definitorium Generale eadem Statuta approbavit pro ipsa Provinciâ tantum.*

Supplicationi Custodiæ Reformatæ Virginis Dolorosæ Ruffiæ, ut erigatur eadem Custodia in Provinciâ = *Annuis Capitulum Generale, servatis tamen in hac erectione omnibus de jure servandis.*

Instantibus Patribus Vocalibus Observantibus, & Reformatis Poloniæ per supplicem libellum, ut aliquo altiori gradu in Ordine decoraretur P.F. Josephus Soltik Definitor actualis Reformatæ Provinciæ Minoris Poloniæ = Respondit Capitulum Generale ad supplicem libellum = *lectum = Caterum Provincia Reformatâ Minoris Poloniæ, si velit, pro hac gratia supplicet Sanctissimo per Procuratorem Generalem.*

P. F. Felix Maria a Canneto Guardianus Conventus S.P.N. Francisci Mantuæ, & Sub-Provisor hujus Capituli Generalis per supplicem libellum instavit, ut attentis suis meritis ac laboribus, admitteretur ad aliquem titulum honorificum, & præcedentiam = Respondum est: *Non posse pro gratia indulgeri.*

Exposuit P. F. Bartholomæus Lobera Provinciæ Majoricensis Alumnus, se in Accademia Luniana vigintiseptem annorum spatio Sacram Theologiam legisse, excepto uno dumtaxat anno, quo in Conventu Lucii Majoris sacras litteras est interpretatus; aliisque tribus annis pariter demptis, quibus philosophiam in Conventu Palmæ adolescentes Religiosos edocuit. Quamobrem supplicavit, ut honores Lectoris bis Jubilati sibi decernerentur = Rescriptum fuit: *Veris existentibus expositis, honores Lectoris bis Jubilati Oratori de jure omnino esse attribuendos.*

Pro-Minister S. Joseph Jucatanensis, Minister Provincialis, & Custos Provinciæ S. Helenæ in Florida exposuerunt, quod cum ipsi sint in iisdem Provinciis Ex-Ministri, concedatur proinde sibi aliquod privilegium ob Suffragium exhi-

exhibitum in hoc Capitulo Generali Mantuano ; signanter vero , quod titulus impertiatur dignioris Patris cum præcedentia , & voto in omnibus Definitoriis suarum respective Provinciarum ; eandemque gratiam extendi quoque omnibus ex-Ministris Indiarum Occidentalium , qui ad suffragandum in hoc eodem Mantuano Capitulo convenerunt = Decreto fuit : *Serventur Statuta Ordinis , ut in v. sessione .*

Idem Pro-Minister S. Joseph Jucatanensis exposuit , quod cum sua Provincia sit Ultramarina , a Conventu S. Evangelii de Mexico ducentis , & amplius Hyspanicis leucis distans , magnum propterea detrimentum patitur in expensis , ob conductionem , & reductionem Patrum Visitatorum , qui ex regno Mexicano illuc adducuntur ; hinc enixius postulavit , quod si quando P. Commissarius Generalis novæ Hyspaniæ non possit accedere personaliter ad visitandum per se ipsum , celebrandumque ejusdem Provinciæ Capitulum , possit , ac valeat Provinciæ Definitorium , cum assensu , & consensu majoris partis proponere tres Patres ex ipsamet Provincia , ut præfatus Commissarius Generalis unum eligat in Visitatorem , cum facultate Provinciali Capitulo præsidendi = Statutum fuit , *esse indulgendum pro gratia : Hinc P. Commissarius Generalis novæ Hyspaniæ ( reservato tamen sibi jure , ac facultate visitandi per se ipsum Provinciam , de qua agitur ) non possit in posterum alium Visitatorem , aut Præsidentem ad eam destinare , nisi unum ex tribus propositis ab illius Provinciæ Definitorio .*

Minister Provinciæ Cantabriæ ex consensu , & assensu Patrum omnium suæ Provinciæ supplicavit , ne impofterum ullus institui possit Prædicator Generalis , nisi prius vacaverit prædicationi Conventuali primæ in aliquo ex Conventibus principalioribus sex annorum spatio , & prædicationi secundæ totidem pariter annis , quod videtur congruere Decreto Capituli Generalis Romani an. 1700. = Responsum fuit : *Juxta petita .*

Pro-Minister Provinciæ Immaculatæ Conceptionis in Brasia exposuit , sese exercuisse Lectoris S. Theologiæ munus , per triennium completum ; fuisse quoque per sexennium Procuratorem suæ Provinciæ in civitate Lisbonensi , quod munus solo triennio computatur , & computari solet pro Guardiania Conventus S. Antonii fluminis Januarii , qui cum sit

E

Con-

Conventus principalis, habilitat Pro-Ministros, qui suffragantur in Capitulo Generali ad fruendum privilegiis Patrum, pro quibus Orator supplicat = Declaratum fuit, *Oratorem gaudere debere præeminentiis, aliàs per Statuta Generalia Vocalibus Indiarum concessis.*

Vocales Provinciarum Sancti Gregorii Philippinarum, & S. Didaci in Messico petierunt exemptiones Patribus Vocalibus Ultramarinis de Regulari Observantia jampridem concessas, cum eadem sit pro omnibus ratio = Responsum fuit: *Serventur aliàs Statuta.*

Custos Provinciæ Divi Antonii Bahjensis in Brasilia supplicavit, ut sibi concederetur æqualis præcedentia cum aliis privilegiis, quibus Patres ex-Provinciales suæ Provinciæ utuntur, & hoc ob Suffragium in hoc Capitulo Generali præstitum = Responsum fuit: *Serventur Municipalia Provinciæ Statuta.*

## SESSIO XI. VESPERTINA.

*Eadem die 3. Junii.*

**D**Ecernit Capitulum Generale, ut per R. P. Amedeum Taurino, Canonizationum Sanctorum Postulatorem Romæ existentem fiat supplicatio, nomine ipsius Capituli Generalis, ad Sac. Rituum Congregationem, pro concessione recitandi Lectiones Secundi Nocturni cum Oratione proprias in Officio, & Missa Beati Gabrielis Ferretti ab Ancona. Injungit insuper præfato R. P. Amedeo, facultatemque concedit, eidem Sac. Congregationi pariter supplicandi in consimilibus casibus, nomine Capituli Generalis ad sexennium, & usque ad futurum Generale Capitulum.

Instantibus quibusdam Patribus Pro-Ministris, & Custodibus, qui in Capitulo Generali Vallisoletano ann. 1740. suffragati fuere, quatenus admittantur ad privilegia, & prærogativas concessas Pro-Ministris, & Custodibus Suffragatoribus Capituli Generalis Murciensis ann. 1750. = Decretum fuit: *Esse sublinenda privilegia, & prærogativas in favorem Pro-Ministrorum, & Custodum in Capitulo Murciensi Suffragatorum. Eademque privilegia, & prærogativas esse extendendas*

das ad Pro-Ministros etiam, & Custodes, qui in Capitulo Vallisletano commemorato ann. 1740. suffragati sunt.

Provincia Argentinensis supplicavit, ne permittatur divisio attentata a PP. Provinciae Thuringiae S. Elisabeth Superioris = Decretum fuit: *Nihil innovetur erga supplicantem Provinciam Argentinensem. Caveant praeerea PP. Provinciarum Nationis Germano-Belgicae a procurandis conventibus aliarum Provinciarum contiguarum; Abstineant similiter ab Eleemosynarum quaestuationibus extra limites propriae Provinciae, sub panis arbitrio Ministri Generalis transgressoribus infligendis.*

Adm. R. P. Petrus Josephus Clerch ex-Definitor Generalis immediatus dubium proposuit, an sibi competat praecedentia in Conventu Parisiensi supra illius Conventus ex-Guardianum? = Responsum fuit: *Praecedentiam juxta Generalia nostri Ordinis statuta competere ex-Definitoribus Generalibus supra Patres ex-Guardianos Magni Conventus Parisiensis, quemadmodum supra omnes Ex-Ministros Provinciae: Et ita servandum, sub panis in nostris Constitutionibus taxatis contra pacis perturbatores.*

Religiosi naturales Regni Navarrae in Hyspania supplicarunt pro alternativa in Provincia Burgiensi Regularis Observantiae = Decretum fuit: *Esse deputandos a tribus portionibus ejusdem Provinciae Burgensis, videlicet Riosana, Burgensi, & Navarra suos respective compromissarios, qui ad firmandam pacem, & justitiam distributivam, una cum PP. Definitorii Provinciae, de postulata alternativa serio pertraherent; quique pertrahata transmittant ad Rmum P. Ministrum Generalem, ut opportuna provisio per ipsum sollicitari queat apud S. Sedem Apostolicam.*

P. Fr. Adrianus Faber, alique ex Provincia S. Ludovici petierunt, ut abrogaretur praecedentia Patris Rousem = Responsum fuit: *P. Rousem expoliandum & expoliatum esse praecedentia, de qua in precibus, utpote contraria Generalibus Ordinis Constitutionibus, eique nulliter concessa.*

Simile Decretum sollicitavit P. Andreas Fabree contra P. Paulum Grante = Responsum pariter fuit: *Irritam & nullam esse gratiam, de qua in precibus, utpote contrariam Constitutionibus Apostolicis, & Ordinis; eundemque P. Paulum Grante expoliandum, & expoliatum esse gradu ipsi nulliter concessio.*

Provincia Portugalliae Observantium Statuta quædam municipalia præsentavit ad obtinendam approbationem = *Censuit Capitulum Generale, eadem Statuta remittenda esse Discretorio, & Definitorio Provinciæ; & si major pars consenserit, nihilque in illis contineatur, quod Generalibus Ordinis Constitutionibus adversetur, executioni mandentur.*

## SESSIO XII. MATUTINA.

Die 4. Junii.

**E**X parte Custodis regiminis Custodiæ Reformatæ Virginis Dolorosæ in Russia ulterior instantia proposita fuit, qua postulat, ut declarentur in Ministrum Provinciale, Custodem, & Definidores novæ Provinciæ erigendæ quidam in suis precibus nominati Patres. Et quærît, an novus Minister, expleto sui Officii tempore, præcedere debeat ex-Custodibus regiminis antiquioribus? = Quoad primum, *Capitulum Generale remittendum esse censuit Oratorem arbitrio, & prudentiæ Rm̃i Patris Commissarii Generalis juxta Generalia Ordinis Statuta: Quoad secundum, declaravit, competere in casu præcedentiam Ex-Ministris; Et quod Ex-Custodes regiminis antiquiores immediate post Ex-Ministros cæteris quibuscumque præcedere debeant.*

Postulanti Provinciæ Bosnæ Argentinæ; *Primo*, quod in aliis Provinciis recipiantur eorum Juvenes ad studia peragenda, & ad Lecturas in illis habilitentur: *Secundo*, quod prohibeatur incorporatio ipsorum in aliis Provinciis: *Tertio*, quod completo studiorum, vel Lecturæ cursu, nulli Ministro liceat in propria Provincia eos retinere, & præsertim P. Petrum a Salinis = Fuit rescriptum, *preces admittendas, servatis tamen Decretis Sacræ Congregationis de Propaganda fide, & sine præjudicio Filiorum illius Provinciæ, ubi Lectores Bosnenses ad Lecturas admissi fuerint.*

Minister Provincialis Terræ Laboris Observantium instituit, ne impofterum Tertii Lectores instituuntur in studiis secundæ Classis suæ Provinciæ = Decretum fuit, *Servandas impofterum Constitutiones Ordinis, duos tantum Lectores in præfatis studiis permittentes. Interim, qui in hujusmodi studiis ter-*  
tiii



*cii Lectores instituti reperiantur, ad lectionem ordinariam, data opportuna vacatione sufficiantur.*

Contra Lectores Generales Conventus Pisarum Praefectus studiorum detulit, ipsos non observare vacationem a lectionibus, diebus in Elencho statutis = *Decr. fuit: Satis jam alias provisum.*

Supplicarunt nonnulli PP. Observantis Provinciae Principatus, ne fiant novitates in Provincia ad instantiam eorum, de quibus relatum est Oratoribus, quod forte apud Capitulum Generale instabunt = *Negotium huiusmodi remissum fuit zelo, & prudentia Rm̃i Patris Commissarii Generalis, in casu suppositi recursus, de quo nihil hactenus in Capitulo Generali.*

P. Fr. Vincentius Maria a Leviliano Sacerdos Observantis Provinciae Tusciae, & Chori Moderator per 20. annos in Conventu Liburni supplicat, ut intuitu suorum laborum in praefato Chori officio, admittatur inter PP. Aggregatos, ad instar aliorum, qui aliàs hanc gratiam obtinuerunt, quamvis minori temporis spatio moderando illius Conventus Choro inservierint = *Attenta consuetudine admittendi inter PP. Aggregatos, qui per diuturnum tempus Choris status officio functi sunt in Conventu, de quo in precibus, Capitulum Generale censuit rescribendum: pro gratia.*

P. F. Flaminiius a Liburno Sacerdos Observantis Provinciae Tusciae ob assertos suos labores in servitio Terrae sanctae per 20. annos, intuitu quorum a Rmo Patre Clemente a Pannormo ex-Ministro Generali immediato jam adnumeratus reperitur inter Patres Aggregatos, postulavit ultimum locum immediate post ex-Definitores = *Responsum est: Orator gaudeat impetratis.*

Instantibus PP. Vincentio ab Atena, & Ludovico de Fileto filiis Observantis Provinciae Principatus, ut nulla, & cassa declaretur Electio Commissarii Provincialis, facta per Definitorium Provinciae, occasione discessus Ministri ad Capitulum Generale = *Visis, & consideratis scripturis, & rationibus ab utraque parte in hoc negotio deductis, Capitulum Generale rescripsit: Imposito in hac Causa perpetuo silentio, de praeiatis consulat unusquisque conscientiae suae.*

Guardianus, & Discreti Conventus Observantium Liburni conquesti sunt de expensis, & detrimentis Conventui obvenientibus a FF. euntibus, & redeuntibus a Terra Sancta, quibus

quibus P. Commissarius Terræ Sanctæ ibidem residens alimenta non subministrat = *Decrevit Capitulum Generale, omnino observandum Statutum Romanum Ann. 1750.*

Lectō supplici libello R. P. Ministri Provincialis Provinciæ Observantis Tusciæ, quo postulat, non admitti saltem in sua Provincia, ad prædicationem Verbi Dei, nisi eos, qui vel Lectores Philosophiæ extiterint, vel in Concurso pro Philosophiæ lectura probati fuerint. = Statutum est, quod præter ea, quæ de Prædicatoribus decreta sunt in Generalibus Ordinibus Constitutionibus, possit præfatus Minister Provincialis una cum suo Definitorio decernere, ne ad Dei Verbum prædicandum admittantur, nisi qui vel Lectores Philosophiæ extiterint, vel ad hujusmodi Lecturam inclusivam in Concurso habuerint, vel ad ipsam inclusivam propè accesserint, ita ut unum, vel alterum votum ipsis ad inclusivam defuerit; vel tandem de quibus aliunde confliterit Provinciæ Definitorio, esse omnino habiles doctrina æquæ, ac moribus ad tale munus exercendum.

Capitulum Generale renovat, & omnino observanda decernit, præsertim in Provincia Observanti S. P. Francisci statuta Congregationis Generalis Assisiensis ann. 1753. & Capituli Generalis Murcienfis 1756. quoad præcedentiam Secretarii Provincialis in propria Provincia, supra PP. quoscumque habituales, etiamsi ex-Pœnitentiarîi fuerint Basilicæ Sanctæ Mariæ Angelorum, de Portiuncula nuucupatæ. Declarat insuper, ipsis ex-Pœnitentiariis competere præcedentiam *supra PP. ex-Definitores ex gratia.*

Provincia S. Joannis a Capistrano petiit. *Primo*, præcedentiæ locum relate ad Provinciam Bosnæ Argentinæ. *Secundo*, ut ipsa habeat locum in serie Provinciarum. *Tertio* *quærit*, an Lectores Jubilati de numero, qui multis retroactis annis Congregationes, & Capitula Provincialia frequentarunt (uti asseritur in supplici libello) remanere debeant in possessione quoad Votum Consultivum? *Quarto*, an Lectores Sacræ Theologiæ tam Generales, quam Provinciales actu legentes, sive in proprio, sive in aliis Conventibus habeant præcedentiam supra Definitorios habituales, & ex-Custodes? *Quinto*, exorat tandem, ne attendantur scripta, quæ a privatis FF. deferri forsitan possent ad Capitulum Generale, præter ea, quæ a Custode Provinciæ allata sunt, propte-

propterea quod facta syndicatione singulorum Conventuum, nihil finitri sit repertum, quod palam, vel secreto deferri debeat. = Responsum Capituli Generalis fuit: *Ad Primum, satis provisum, & observandum Breve Sanctissimi Domini Nostri CLEMENTIS XIII. Ad secundum, novam S. Joannis a Capistrano Provinciam insertam jam, & numeratam reperiri in serie Provinciarum Ordinis. Ad Tertium, observanda esse Statuta Ordinis, & Decreta Rm̃i P. Clementis a Panormo ex-Ministri Generalis immediati hac de re edita. Ad Quartum, standum decisioni Capituli Vallisuletani 1740. Ad ultimum, in casu recursus, id fiet a Capitulo Generali, quod de jure erit faciendum, & quod opportunius in Domino videbitur expedire.*

Ad recursum quorundam FF. memoratæ superius Provinciæ S. Joannis a Capistrano, ad Capitulum Generale delatum contra PP. Ludovicum Hausner, & Mattheum Gusler; tamquam contra jus intrusos ad Lecturam Generalem, qua gaudent = Rescribi Decretum est: *Lectum.*

Proposita fuere a R. P. Emerico a Buda Lect. Jub. & Definitoræ actuali ejusdem Provinciæ S. Joannis a Capistrano sequentia dubia. *Primum:* Num in Definitorio Provinciali actualis Custos, aliàs ex-Definitor, Definitoræ actualem, in eodem Capitulo electum, aliàs Lectorem Generalem, & post tres menses Jubilatum de non numero præcedere debeat? *Secundum:* Num actualis Definitor, aliàs Jubilatus de non numero in Capitulo in Definitoræ electus, ab alio Lectore de non numero, in jubilatione quidem tribus mensibus seniore, ast nuper primo, ob unius Definitoris deficientiam, in Definitoræ electo præcedere debeat? = *Ad primum, declarat Capitulum Generale præcedentiam convenire Custodi. Ad Secundum, Definitori electo in Capitulo.*

Custos, & Definitorium Custodiæ S. Michaelis orarunt, ne mitterentur Visitatores ex remotioribus Provinciis = Rescriptum fuit, quod Custos, & Definitorium proponant imposterum Rm̃o P. Ministro, vel Commissario Generali tres Patres, qui habeant qualitates a Constitutionibus requisitas ad munus Visitatoris obeundum, vel ex Provincia viciniore, vel ex eadem Custodia, ut ex tribus propositis eum eligat, qui sibi magis placuerit.

Definitorium Custodiæ Immaculatæ Conceptionis de Azores supplicavit, ut LECTURA Philosophiæ P. Josephi a Victoria bis ei computaretur ad Jubilationem, quia legit duobus completis trienniis = Rescriptum fuit : *Serventur statuta*.

Provincia Baticæ Tertii Ordinis declarationem postulavit super Confessum debitum Commissariis Curiae Granatenfis, Hispalensis &c. quia nullus adhuc ipsis Sessionis Ordo a Capitulis Generalibus determinatus est. Idem pariter postulavit de Magistris Scholasticorum, qui prius cursum Philosophicum expleverunt = Responsum fuit : *Ad Primum, Commissarius Curiarum Hispalensis, & Granatenfis &c. Sedere debet immediatè post Prædicatores Generales. Ad Secundum, Magister Scholasticorum, qui jam explevit cursum Philosophicum, sedebit immediate post Lectorem Philosophiæ actualem.*

Vocales Provinciæ Canariarum supplicarunt, ut ipsis concederetur jus subrogandi, & suffragandi in Definitoriis relatæ Provinciæ in casu, quo deficerent PP. antiquior, & immediatus = Responsum fuit : *Serventur statuta Ordinis.*

Minister Provincialis Aquitanix antiquioris petiit, ut Doctores suarum Universitatum gauderent aliqua præcedentia = Responsum fuit : *Si Doctores Universitatum Tolosane, & Burdigalensis sint simul Regentes Sacra Theologiæ, præcedere debent Lectoribus ejusdem facultatis, etiam primariis, in omnibus locis : Si vero sint Doctores tantum, & non simul Regentes, observare debent inter sese antiquitatem LECTURÆ, & Doctoratus.*

Idem Minister Provincialis Aquitanix antiquioris instavit, ut Alumnis suæ Provinciæ præcipiantur observanda sequentia. *Primum*, quod serventur Statuta Barcinonensia. *Secundum*, quod in Conventibus studiorum Theologiæ Guardianus sit Lector ejusdem facultatis, propter examen Thesium, & similiū. *Tertium*, quod omnes Provinciæ Religiosi sandaliis utantur. *Quartum*, quod manuteneatur Theologiæ studium in Conventu Tolosano = Responsum fuit : *Ad primum, Serventur Statuta Barcinonensia, & invigilent Provincialis, caterique Prælati pro omnimoda hujus Decreti exequutione, abusibus & consuetudinibus in contrarium quibuscumque non obstantibus. Ad secundum, In Conventibus, in quibus adeſt studium Theologicum, & non*

& non adest Regens, seu studiorum Praefectus, Guardianus omnino eligatur, qui sit Theologiae Lector, eritque simul, & semel Praefectus studiorum. Ad tertium: Praecipitur omnibus Religiosis, ut sandaliis utantur tum ad servandam uniformitatem, tum ad alia inconvenientia vitanda. Ad quartum: Annullatur Decretum Congregationis habita in Conventu Velli Montis ann. 1760. de removendo studio a Conventu Tolosano, praecipiendo quoque, ut in eo manuteneatur Sacra Theologia studium ob utilitatem, dictaeque Provinciae decorem.

Examinata sunt, & recognita ratiocinia, & computi Eleemosynarum PP. Commissariorum Terrae Sanctae Familiae Cismontanae. Et Capitulum Generale laudandam judicavit praefatorum Commissariorum operam, ob fidelem ipsorum administrationem, computis, seu ratiociniis cum Eleemosynariorum Fidelium apprime respondentibus.

Quoad computos, & ratiocinia PP. Commissariorum Terrae Sanctae Ultramontanae Familiae, approbati fuerunt, & laudati iidem computi quantum ad Commissarium Generalem Matriti, & Vice-Commissarios Hispaniae. In computis autem P. Vice-Commissarii Burgenfis, a Revisoribus quam plures repertae sunt aequivocationes, de quibus Reverendissimus P. Generalis providere dignabitur. Item computi reprobati fuere Patris Commissarii Regni Portugalliae; atque hac de causa per Reverendissimum P. Ministrum Generalem providebitur de Revisoribus in ipso Portugalliae Regno, qui eosdem computos diligenter examinent, & Reverendissimae Paternitati suae quam citius reddant rationem.

### SESSIO XIII. MATUTINA.

Die 5. Junii.

**N**omine Fratrum non Nationalium Provinciae Observantium S. P. N. Francisci facta fuit instantia, pro alternativa cum Fratribus ejusdem Provinciae Nationalibus, quoad officia Ministri Provincialis, Custodis, & Definitorum = Generale Capitulum expedire censet tripartitionem Provinciae, quoad memorata officia, pro bono pacis, & justitiae distributivae fa-

F

cien-

ciendam, unam in favorem Fratrum exterorum, cujuscunque fuerint Nationis; duas vero pro Fratribus Nationalibus, concordatis tamen partibus, servatisque aliis omnibus de jure servandis, ad præfatam tripartitionem stabiliendam.

Pr. Fr. Carolus Aurelius a Solerio Sacerdos Provinciæ Observantis S. P. N. Francisci postulat reservari sibi jus componendi Kalendaria, eaque typis mandandi pro celebratione Divinorum Officiorum in eadem Provincia pro singulis annis = Decretum fuit, ut provideatur in hoc negotio per Ministrum Provinciale una cum suo Definitorio, cum obligatione certiorandi R<sup>mum</sup> Commissarium Generalem.

A PP. Lectoribus Generalibus existentibus in Conventu S. P. N. Francisci Civitatis Perusii supplicatio facta est pro resolutione sequentium dubiorum. *Primum*, An Sacra Theologiæ Lector, prævio concursu, institutus quarto loco in studiis Generalibus possit, & debeat incedere cum Lectoribus Ordinariis, juxta antiquitatem habitus? *Secundum*, quid vero si idem quartus Lector absque prævia oppositione fuerit institutus? *Tertium*, quid tandem, si absque prævia oppositione non tantum, sed ad instantiam insuper Sæcularium? = Responsio Capituli Generalis ad dubia proposita: *Ad primum negative, sed deberi præcedentiam Lectoribus ordinariis. Ad secundum ut in prima responsione. Ad tertium non habere locum cum præcedentia.*

Lectores Sacrae Theologiæ Generales in Conventu Effekini Provinciæ S. Joannis a Capistrano Joannes Velikanovich, & Andreas Stoiclevich instarunt, ut ipsis computetur ad Jubilationem tempus unius anni, & septem mensium, quo Lectores sunt instituti, usque ad exhibitionem litterarum Patentium Oratoribus factam = *Capitulum Generale preces remisit pro informatione, & voto ad Ministrum Provinciale cum Definitorio, & deinde Rev<sup>m</sup> Pr. Commissarius Generalis, cui facienda erit relatio, opportune providebit.*

Guardianus Conventus S. Matthæi in Lamis Observantis Provinciæ S. Angeli in Apulia conquestus est de PP. Reformatis existentibus in Terra Serræ ejusdem Provinciæ, quod contra consuetudinem centum ferè annorum prohibeant quæstuatoribus prædicti Conventus S. Matthæi, ne in districtu memoratæ Terræ Serræ congregent ex eleemosynis

nis frumentum , & alia ad victum necessaria = Decretum fuit , *esse alteram partem audiendam apud Revmum P. Commissarium Generalem : Interim supplicans Guardianus maneat in sua possessione .*

Nonnullæ Provinciæ Reformatorum supplicarunt pro erectione studiorum S. Theologiæ Moralis , & Rethoriæ in respectivis Provinciis . = *Preces a Capitulo Generali sunt remissæ Revmo P. Commissario Generali , qui pro sua prudentia , & zelo indicata supplicationi satisfaciatur .*

Placuit Capitulo Generali , ne deinceps Prædicatores instituantur , & ad Dei Verbum prædicandam non nisi illi admittantur , de quorum habilitate tam in moribus , quam in doctrina constiterit per publicum examen , coram pleno Definitorio Provinciæ faciendum , vel in Congregationibus , & Capitulis Provincialibus , vel alia quacumque de causa collegialiter congregato .

Ad legendam S. Theologiam in Provinciis præsertim Reformatorum nullo modo imposterum Lectores per privatum examen deputentur , sed prævia dumtaxat oppositione , seu , ut vocant , Concurfu , coram Definitorio habendo , quemadmodum de examine Prædicatorum paragrapho antecedenti statutum est ,

Aliqui Religiosi Provinciæ S. Bernardini Recollectorum in Gallia petierunt , ut irritarentur Decreta Congregationis Provincialis celebratæ Aquiseptiis in Provincia Provinciæ die 22. Novembris 1760. = Rescriptum fuit , *relinqui hoc negotium resolvendum Revmo P. Ministro Generali , qui perpensis rationibus a parte adductis , & Decreto Regio eadem Decreta approbante , providebit secundum Deum , prout melius videbitur expedire ,*

Minister Provincialis ejusdem Provinciæ quasdam exposuit querelas in Reverendum Admodum P. Marcum Antonium Gravols ex-Procuratorem Generalem Recollectorum & Discalceatorum = *Querela hujusmodi remissæ fuere ad Revmum P. Ministrum Generalem , qui auditis partibus , justitiam tribuet , cui competit prout de jure .*

Pro-Minister Provinciæ Portugalliæ , cum fuerit Guardianus per sexennium completum in duobus Conventibus principalioribus suæ Provinciæ ; & Secretarius ulterius ex-

titerit, duobus annis, ejusdem Provinciæ supplicavit, ut ei concedantur Privilegia Pro-Ministris taxata per Statuta Ordinis = Responsum fuit, *quod gaudeat Privilegiis a Constitutionibus taxatis, Secretariæ Provinciæ expleto triennio.*

Lectores Philoſophiæ pro Sæcularibus Provinciæ S. Jacobi supplicarunt, ut confirmetur Decretum a Revmo P. Joanne de Soto quondam Ministro Generali, & a Definitorio illius Provinciæ emanatum, quo statuitur, ut hujusmodi Lectores dum actu legunt, eisdem exemptionibus, & præcedentia fruuntur, quibus Lectores Artium Religionis fruuntur. Item postquam duodecim annorum spatio Sæcularium leſturam exercuerint, non solum titulum, & præcedentiam prædictam obtineant, sed etiam titulum, & præcedentiam Prædicatorum Generalium memoratæ Provinciæ = *Decretum, de quo in precibus, plenissime confirmatur, idemque omnino executioni mandetur, legisque vim habeat in Provincia S. Jacobi.*

Custos, & Procurator Provinciæ S. Crucis in Hyspaniola petiit, ut nullus imposterum ad Visitationem prædictæ Provinciæ, & Capituli præſidentiam eligi possit a Commissario Generali, nisi unus ex tribus a Ministro Provinciali, & Definitorio præsentatis, quemadmodum a Capitulo Generali Murcienſi jam fuerat statutum = *Capitulum Generale Mantuanum præcedens Statutum Murcienſe iterum innovat, atque inviolabiliter ſervari mandat; quapropter reſervato jure P. Commissario Generali Peruvano ad viſitandam per ſe ipſum Provinciæ, de qua agitur, illiusque Capituli præſidendum, eidem Commissario Generali præcipitur, ne mittat imposterum Viſitatore, aut Præſidem præter propoſitos a Ministro Provinciali, & Definitorio illius Provinciæ, ſub pœnis contra inobedientes taxatis.*

Custos Provinciæ S. Ludovici Obſervantium in Gallia inſtavt pro confirmatione Decreti alias emanati, ut omnes Conventus prædictæ Provinciæ concurrere debeant ad ſolutionem debiti Conventus Maſſilienſis = *Præcipit Capitulum Generale, ut ad ſolutionem debiti dicti Conventus Maſſitienſis proſus concurrant Conventus omnes Provinciæ memoratæ S. Ludovici, præcipiendo P. P. Guardianis ſub pœna privationis Officiorum, quod de factò, & ſine ulla excuſatione obediant, ſinguli*



*gali in ea quantitate contribuendo, a Definitorio Provinciali assignata.*

Custos Provincialis Custodiæ Immaculatæ Conceptionis Insularum de Azores supplicavit, ut ei concederetur prerogatio sui officii ad sex menses, ad effectum perficiendi quædam opera jam incepta = Responsum fuit, quod recurrat ad *Ministrum Generalem.*

Abbatissa Conventus Conceptionis Villæ de Segura Provinciæ Cantabriæ instavit pro revocatione Decreti sui Ministri Provincialis super clausura cujusdam portæ, quæ, non obstante memorato Decreto, iterum aperta est. = *Confirmatur Decretum Rev. P. Ministri Provincialis Cantabriæ, latum super clausura portæ, quæ ducit ad hortum, utpote conforme Constitutionibus Apostolicis, & Ordinis.*

## SESSIO XIV. VESPERTINA.

*Eadem die 5. Junii.*

**C**irca controversiam ortam inter Provincias divisas Superioris, & Inferioris Thuringiæ = Rescriptum fuit: *Manteneatur divisio facta inter superiorem, & inferiorem, & a partibus acceptata. Patribus præterea Provincia Thuringiæ superioris perpetuum imponitur silentium, super acquisitione Conventus Vestariensis, aliorumque, Provinciæ Thuringiæ inferioris assignatorum. Tandem quoad alios articulos, in supplici libello expressos videat, & provideat Reverendissimus P. Minister Generalis.*

A. R. P. Procurator Generalis Ordinis repræsentavit, quod eleemosynæ Provinciarum non sunt sufficientes ad sustentationem Procuratoris Curiæ Romanæ. = *Attenta relatione facta ab A. R. P. Procuratore Generali decernitur, ut impsterum pro sustentatione Officialis Generalis Curia, ejusdemque expensis necessariis tribuat quolibet anno unaquæque Provincia Observantium ex Regnis Hispania, Indiarum, & Portugallia, nec non ex pertinentibus Insulis, summam realium trecentorum de Vellon, exceptis Provincia Legionensi Terti Ordinis, & duabus Custodiis Insularum Portugallia, quæ tribuere debent solum centum Reales de Vellon pro quolibet.*

A. R. P.

A.R.P. Definitor Generalis Joannes a S. Maria & Lema Ex-Minister & Custos Provinciæ Legionensis Tertii Ordinis supplicavit, quod si quando Prælatus Generalis opportunum duxerit decernere præfatæ Provinciæ Visitatorem, ad id munus deputare teneatur aliquem ejusdem Provinciæ alumnum, nisi necessitas, a majori parte Definitorii approbata exigat, quod assumatur a vicinioribus Provinciis; Et hoc ipsum petiit, quantum ad electionem præsidis Capituli Provincialis, si Reverendissimus P. Generalis præsidere nequeat per se ipsum = Rescriptum fuit: *juxta petita, quoad utrumque postulatam.*

## SESSIO XV. MATUTINA.

*Die 6. Junii.*

**C**apitulum Generale inhærendo mandatis Sanctissimi in Christo Patris, & Domini Nostri, Domini Divina providentia CLEMENTIS PP. XIII. eidem Capitulo communicatis per organum Eminentissimi, & Reverendissimi Domini Cardinalis Cribellii meritissimi Præsidis statuit, & decrevit sequentia.

*Primo.* Quod abrogentur, annullentur, & auferantur omnino quinti Definitores, quacumque auctoritate electi in Provinciis Ordinis, sine ulla Provinciarum utilitate, imo cum earundem Provinciarum gravamine; præcipiendo, quod posterum quinti hujusmodi Definitores nullatenus instituantur.

*Secundo.* Quod abrogentur pariter, annullentur, & illico auferantur quarti Lectores Theologiæ, & secundi Lectores Philosophiæ: Ac in studiis omnibus Lectores reducantur ad illum præcise numerum, qui est in Statutis Generalibus expressus.

*Tertio.* Quod exactius observentur posterum Constitutiones Apostolicæ Ven. Innocentii XI. in omnibus, quæ præcipiunt, & in iis præsertim, quæ altissimam Seraphicæ Regulæ respiciunt paupertatem, a Seraphico Patriarcha suis Filiis adeo commendatam. Contra transgressores Capitulum Generale duplicat poenas, ab Statutis Generalibus Ordinis in proprietarios, & paupertatis violatores sancitas.

*Quarto.* Quod Superiores Locales provideant suis subditis de necessariis quoad victum, & vestitum, aliaque omnia, quæ

quæ ad suorum respective officiorum adimplementum necessaria sunt, ad effectum quod Decretum supra expressum exactius possit ab omnibus observari.

*Quinto*. Ne Superiores Locales sese excusare deinceps valeant ab administrandis suæ respectivæ Familiæ necessariis, curent Superiores Generales, & invigilent, ut in quoquoque Conventu is Fratrum numerus statuatur (minuendo etiam in Provinciis, quoties opus fuerit, Novitiorum receptionem) qui ex consuetis eleemosynis commodè sustentari valeat.

*Sexto*. Tandem Reverendissimus P. Minister Generalis noviter electus, post expleta hujus Capituli Generalis acta, & antequam ex hac Familia Cismontana discedat, ad Almam Urbem, Romanamque Curiam dignabitur accedere, ut apud Sanctissimum, ac Sanctitatis Suæ auctoritate, & assensu illa omnia decernere, ac statuere valeat, quæ pro communi Ordinis, Provinciarumque nostrarum bono videbuntur in Domino expedire.

Ad hæc cupiens Generale Capitulum ea scandala ab Ordine remove, quæ ex nimia opinandi licentia, in doctrinis præcipue ad mores pertinentibus oriri, & suscitari possent; renovat, ac confirmat eas omnes Constitutiones, quæ in aliis præcedentibus Generalibus Capitulis, de doctrinis in nostris Scholis, & a Nostratibus seligendis decreta sunt. Et ad hunc effectum mandat, & præcipit Sac. Theologiæ Lectoribus, aliisque omnibus, quatenus doctrinas tutiores, & probabiliores semper doceant, & amplectantur.

## SESSIO XVI. VESPERTINA.

*Eadem die 6. Junii.*

**A**tenta translatione Comitatus de Chinchon in favorem Serenissimi Principis ALOYSII BORBONI Hispaniarum Infantis, Definitorium Generale totius Ordinis, tam Cismontanæ, quam Ultramontanæ Familæ, ipsum Serenissimum Principem declarat Patronum, & Protectorem Generalem nostri Ordinis universi, nec non & omnes ejus Successores in eodem Comitatu in perpetuum. Et Regiæ suæ Celsitudini humilli-

millimas refert, magnasque gratias, quod Religionem nostram charitativo prolequens affectu, eandem in Regale suum patrocinium suscipere, ingentique hoc honore augere dignata sit. Omnes insuper memorati Definitorii Patres, cunctis consentientibus, & plaudentibus Generalis Capituli Vocalibus, unanimiter approbant, conditiones omnes propositas, vel proponendas pro parte Serenissimi Infantis Patroni, & Protectoris nostri, nulla prorsus excepta. Supplicant proinde Reverendissimum Patrem nostrum Ministrum Generalem, ut curet, quod necessariæ, ac opportunæ Scripturæ, sive Instrumenta ad placitum, & satisfactionem ejusdem Serenissimi Principis conficiantur; tribuentes, & conferentes eidem Reverendissimo, nomine etiam totius Ordinis, ad hunc effectum omnes, & quascumque facultates. Ut vero tanti beneficii, Regiæque Serenissimi hujus Principis benignitatis erga Nos notitia ad omnes, & singulos Fratres, ac Moniales totius nostri Ordinis, quam citius deferatur, mandat Definitorium Generale, ut hoc Decretum inter acta Capituli Generalis reponatur, omnesque tam Superiores, quam Subditos hortatur, ut pro incolumitate tanti Principis, ejusque in Comitatu de Chinchon successorum Deum Optimum Maximum exorare nunquam desistant.

Quia vero Serenissimus Princeps PHILIPPUS BORBONIUS pariter Hispaniarum Infans, Parmæ, ac Placentiæ Dux, & Comes olim de Chinchon, pro sua in Ordinem nostrum pietate, atque affectu multas, ingentesque elemosynas, pro expensis Capituli Generalis Murcien. elargiri dignatus est; Hinc cupiens Definitorium Generale, totius etiam Ordinis nomine, eas, quas potest, Regiæ suæ Celsitudini debitas referre gratias, mandat proinde, atque decernit, quod efforinenter, ipsique consignentur litteræ Patentales suffragiorum, quæ concedi consueverunt Patronis Ordinis nostri Generalibus, quæque promulgandæ erunt per omnes Provincias, & Conventus totius Ordinis, cum laudatus Princeps Serenissimus, quem ad multos annos custodiat Altissimus, diutissimeque conservet, viam ingreditur universæ carnis.

Ad evitandas gravissimas expensas, quæ ex multiplici-  
tate Vocalium, eorumque Sociorum ad Capitula Generalia nostri Ordinis confluentium hætenus experta sunt, & in dies  
expe-

experiuntur, decernit Definitorium Generale supplicandum esse Sanctissimo per Reverendissimum P. Ministrum Generalem, pro eorundem Vocalium diminutione, ita ut præter Patres Reverendissimi Definitorii, & Custodes Regiminis Custodiarum, ex unaquaque Provincia imposterum unus tantum Vocalis ad Generale Capitulum accedat, Minister Provincialis; eoque sese excusante, & legitime impedito, succedat ad suffragandum Custos, qui tantummodo secum Tertiarium deferat. Discreti autem Generales Ordinis unum tantum socium vel Sacerdotem, vel Laicum cum Tertiario deinceps deferre possint.

PRO PROCURATORATU IN CASU VACANTIÆ QUALIFICATI  
ET APPROBATI FUERUNT SEQUENTES.

- R.P.F. Antonius Albian Doct̃or in Sacra Theologia, Lect̃or Jubilatus, & Minister Provincia Aragoniæ.*  
*R.P.F. Michael Rodenas Lect̃or Jubilatus, & Minister Provincia Valentiniæ.*  
*R.P.F. Joseph Marin Lect̃or Jubilatus, & Custos Provincia Cartaginensis.*

PRO COMMISSARIATU CURIÆ.

- Adm. R.P.F. Franciscus Antonius a Mutiliana Lect̃or Jubilatus, Provincia Bononiæ Ex-Minister, & Ex-Definitor Generalis Ordinis.*  
*Adm. R.P.F. Philippus a Podio-Mirteto Lect̃or Jubilatus, Provincia Romanæ Ex-Minister, & Ex-Definitor Generalis Ordinis.*  
*R.P.F. Colombinus de Senis Lect̃or Jubilatus, & iterato Minister Provincia Tusciæ.*

PRO PROCURATORATU REFORMATO RUM:

- Adm. R.P.F. Sylvester Amalbitanus Sacra Theologiæ Lect̃or, Provincia Principatus Ex-Minister, & Ex-Definitor Generalis Ordinis.*

G

Adm.

*Adm. R. P. F. Benedictus a Cavalleſio Sacra Theologia Lector Emeritus, & Ex-Definitor Generalis Ordinis.*

*R. P. F. Clemens a Janna Lector Emeritus, & Miniſter Provincia Janneniſis.*

PRO PROCURATORATU DISCALCEATORUM, ET RECOLLECTORUM.

*R. P. F. Joſeph a Puerto Llano Sacra Theologia Lector antiquus, Ex-Miniſter Provincia S. Joſeph Diſcalceatorum, & Commiſſarius Generalis delegatus in Ultramontanis partibus.*

*R. P. F. Franciſcus a S. Maria antiquus Sac. Theologia Lector, & Provincia S. Petri de Alcantara in Regno Neapolis iterato Miniſter.*

*R. P. F. Blaſius a S. Bernardino antiquus Sac. Theologia Lector, Ex-Miniſter, & Cuſtos Provincia S. Pauli Diſcalceatorum.*

IN GUARDIANUM HIERUSALEM, ET CUSTODEM  
TERRÆ SANCTÆ BLECTUS FUIT.

*R. P. F. Paulus de Placentia Sac. Theologia Lector, Ex-Definitor Provincia Bononiensis Reformatorem, & iterato Guardianus Conventus Placentini.*

Inito calculo Conventuum, Monasteriorum, Fratrum, ac Sororum tam viventium, quam defunctorum Ordinis, utriusque Familiae Cismontanae, & Ultramontanae, a tempore celebrati Capituli Generalis Murcienſis 1756. uſque ad præſens Capitulum Mantuanum, Numerus repertus eſt prout ſequitur.

IN CISMONTANA FAMILIA.

<i>Conventus Obſervantium</i>	_____	814
<i>Reformatorum</i>	_____	687
	_____	
<i>Omnes</i>	_____	1501
	_____	
<i>Monasteria Sororum Obſervan.</i>	_____	106
<i>Reformat.</i>	_____	41
	_____	
<i>Omnes</i>	_____	147
		<i>Fra-</i>

<i>Fratres viventes Observantes</i>	51
<i>Reformati</i>	16115
<i>Omnes</i>	16505
<i>Sorores viventes Observantium</i>	3449
<i>Reformatarum</i>	1173
<i>Omnes</i>	4622
<i>Fratres defuncti Observant.</i>	2785
<i>Reformat.</i>	2432
<i>Omnes</i>	5217
<i>Sorores defunctæ Observantium</i>	525
<i>Reformatarum</i>	226
<i>Omnes</i>	751

Defunt ab hoc numero, ex Observantibus Provinciæ S. Antonii Venetiarum, Corsicæ, & Candiæ, quarum Vocales Capitulo non interfuerunt: Et ex Reformatis, eadem de causâ, Provinciæ Vallis-Nethi, & Corsicæ.

#### IN FAMILIA ULTRAMONTANA.

<i>Conventus Observantium</i>	766
<i>Discalceatorum</i>	410
<i>Omnes</i>	1176
<i>Monasteria Sororum</i>	471
<i>Fratres viventes</i>	35259
<i>Sorores viventes</i>	13885
<i>Fratres defuncti</i>	5229
<i>Sorores defunctæ</i>	2153

Ab hoc calculo excluduntur Provinciæ omnes Galliæ , tam Observantium , quam Recollectorum : Item Provinciæ S. Antonii de las Charcas , & S. Joseph de Jucatan , necnon Custodia Conceptionis de los Azores , quorum Custodes suas respective notulas Capitulo Generali non præsentarunt .

CAPITULI GENERALIS, OMNIUMQUE IN EO  
ACTORUM SUBSCRIPTIONES.

*ITA EST FR. PETRUS JOANNETIUS DE MOLINA  
MINISTER GENERALIS TOTIUS ORDINIS.*

*Ita est F. Clemens de Panormo Minister Generalis immediatus .*

*Ita est F. Paschalis a Varisio Commissarius Generalis .*

*Ita est F. Antonius Joannes de Molina Ex-Commissarius Generalis immediatus .*

*Ita est F. Joannes Antonius a S. Cruce Lector Jubilatus , & Discretus &c.*

*Ita est F. Joannes Alfaro Coronada Procurator Generalis Ordinis .*

*Ita est F. Gregorius a Marsalia Commissarius Generalis Curia .*

*Ita est F. Carolus a Golleono Procurator Generalis Reformatorum .*

*Ita est F. Joannes Lutre Procurator Generalis Discalceat. , & Recollect.*

*Ita est F. Anacletus de Roma Ex-Procurator Generalis Ordinis immediatus .*

*Ita est F. Franciscus Daniel Cricourt Definitor Generalis .*

*Ita est F. Marinus Barbè Definitor Generalis .*

*Ita est F. Antonius de Alcoba Definitor Generalis .*

*Ita est F. Joannes a S. Maria , & Lema Definitor Generalis .*

*Ita est F. Augustinus Fournier Definitor Generalis .*

*Ita est F. Joannes Baptista Servera Definitor Generalis .*

*Ita est F. Baltassar Clotten Definitor Generalis .*

*Ita est F. Martinus Fallize Definitor Generalis .*

*Ita est F. Antonius a Plagis Definitor Generalis .*

*Ita est F. Joseph Maria de Vedano Definitor Generalis .*

*Ita est F. Bernardinus a Panormo Definitor Generalis .*

*Ita est F. Syrus a S. Georgio Definitor Generalis .*

*Ita*



- Ita est F. Venuſtianus Hiebel Defnitor Generalis .*  
*Ita est F. Franciſcus Przylzcki Defnitor Generalis .*  
*Ita est F. Thomas Hyacinthus ab Aſculo Defnitor Generalis .*  
*Ita est F. Bonaventura ab Arſano Defnitor Generalis .*  
*Ita est F. Dominicus Blaſco a Tabernis Defnitor Generalis .*  
*Ita est F. Cherubinus a Roma Defnitor Generalis, & Capituli*  
*a Secretis pro Familia Ciſmontana .*  
*Ita est F. Petrus Otero Defnitor Generalis, & Capituli a Secre-*  
*tis pro Familia Ultramontana .*

LAUS DEO.

Reve:

*Reverendissimus P. Fr. Petrus Joannetius de Molina Minister Generalis instituitur Commissarius, Visitator, ac Reformator Apostolicus totius Ordinis.*

CLEMENS PP. XIII.

*Dilecte Fili salutem, & Apostolicam Benedictionem.*

**I**N specula Supremæ Dignitatis, Divina dispositione, meritis licet imparibus constituti, inter multiplices rerum, negotiorumque, quibus obruimur, curas, ad ea etiam ex debito Pastoralis Officii Nobis commissi sollicitè advigilare debemus, per quæ Religiosa loca, illorumque personæ Dominicis mancipatæ obsequiis in pacis, & quietis tranquillitate, ac Regularis vitæ, Ecclesiasticæque disciplinæ norma, coadjuvante Domino perenniter conservari valeant, & quæ his contraria esse noscuntur, per nostræ providentiæ studium penitus evellantur, prout personarum, rerum, & locorum qualitate pensata conspiciamus in Domino salubriter expedire. Cum itaque, sicut accepimus, Tu ad demandatum Tibi a Capitulo Generali Ordinis Fratrum Minorum S. FRANCISCI Ministri Generalis munus ritè, sancteque obeundum iter instituere paratus sis, ac Provincias dicti Ordinis tam de Observantia, quam Reformatorem, & Excalceatorum Fratrum per Te ipsum visitare intendas; hinc est, quod Nos, ut majora Apostolicæ nostræ charitatis erga dictum Ordinem, & Te ipsum argumenta declaremus, atque omnia hac Visitatione, vel extra eam opportunè, salubriterque peragenda Tibi fortasse necessaria Apostolicæ Auctoritatis documenta præstemus, ac de tua fide, prudentia, integritate, dexteritate, vigilantia, doctrina, rerumque agendarum peritia, ac Religionis Zelo plurimum in Domino confisi. Teque specialibus favoribus, & gratiis prosequi volentes, & a quibuscvis Excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existis, ad effectum præsentium tantum consequen. harum serie absolventes, & absolutum fore censentes, motu proprio, & ex certa scientia, ac matura deliberatione nostris, deque  
Apo-

Apostolicæ potestatis plenitudine Te Commissarium Apostolicum, ac Visitatorem, Reformatoremque totius Ordinis creamus, facimus, constituimus, deputamus, & delegamus, ac Tibi præter, & ultra facultates solitas, & consuetas, ac ratione muneris Ministri Generalis præfati Tibi competentes concedimus, & impertimur, ut in Visitatione Provinciarum, & Conventuum ipsius Ordinis per Te, seu Commissarios Visitatores a Te deputandos peragenda, seu illa peracta, ac etiam extra Visitationem prædictam quoscumque Conventus cujuscumque Provinciæ pro studiis Generalibus præscriptos, & assignatos juxta datam Tibi a Domino prudentiam, & res postulaverit, de alio in alium Conventum Tibi opportunioris visum studia Generalia hujusmodi permutes, transferas, statuas, & præscribas, novosque in iis Provinciis, in quibus Conventus Studiorum hujusmodi nondum assignati, & fundati fuerint, tuo arbitrio assignes, fundes, & deposes, ac facultatem Novitios supranumerarios in Provinciis, in quibus necessitas id exegerit, facultatem recipiendi, & admittendi concedas, nec non quæcumque Capitula Provincialia, quæ forsân contra Constitutiones Ordinis præfati Auctoritate Apostolica confirmatas peracta fuisse compereris, confirmes, atque convalides, omnesque, & singulos juris, & facti defectus, si qui desuper intervenerint, suppleas, & sanes, ac quamcumque Provinciam vigore cujuscumque facultatis inter se divisam, & separatam de novo unias, & incorpores, aliasque divides, ac separes, ac Guardianos haud habiles quavis auctoritate electos amoveas, & alios de novo eligas, & ultra triennium dispensare possis, ac confirmes, aliasque similia utilitatem, bonumque regimen, & gubernium Provinciarum, & Conventuum præfatorum concernentia, quæ per Constitutiones Ordinis, & Apostolicas præscripta, & per Te ipsum peragenda prohibita, vetitaque sunt, libere, & licitè peragere possis, & valeas. Decernentes easdem præsentis Literas, & in eis contenta quæcumque firma, & valida, ac efficacia existere, & fore, suosque plenarios, & integros effectus sortiri, & obtinere, ac Tibi in omnibus, & per omnia plenissimè suffragari, atque ab illis, ad quos spectat, & pro tempore spectabit, quandocumque inviolabiliter observari; Sicque in præmissis per quoscumque Judices

ces Ordinarios, & Delegatos, etiam Causarum Palatii Apostolici Auditores, ac S. R. E. Cardinales, etiam de Latere Legatos, & Sedis Apostolicæ Nuncios, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere, ac irritum, & inane, si secus super his a quoquam, quavis auctoritate scienter, vel ignoranter contigerit attentari. Non obstantibus quatenus opus sit Nostra, & Cancellariæ Apostolicæ Regula de Jure quæsito non tollendo, ac Constitutionibus, & Ordinationibus Apostolicis, ac dicti Ordinis, illiusque Provinciarum, & Conventuum, etiam juramento, confirmatione Apostolica, vel quavis firmitate alia roboratis, statutis, & consuetudinibus; Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis; Quibus omnibus & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die 13. Julii 1762. Pontificatus Nostri Anno quarto.

*N. Card. Antonellus.*

*Facultas Apostolica eidem Rmo P. Ministro Generali concessa  
eligendi, una dumtaxat vice, in singulis Ordinibus  
Provinciis, ante Capitulum Provinciale eos  
Superiores, quos pro servanda in illis  
regulari disciplina magis idoneos  
in Domino judicaverit.*

CLEMENS PAPA XIII.

*Dilecte Fili salutem, & Apostolicam Benedictionem.*

CUM sicut Nobis nuper exponi fecisti, in Capitulis Provincialibus Ordinis Fratrum Minorum S. FRANCISCI, cujus Tu Minister Generalis existis, quando Ministrorum Pro-

Provincialium, & Definitorum sit electio, interdum eveniat, ut dum Præles Capituli bono Provinciæ regimini, & reformationi maxime invigilat, inligni, sive minus idonei, & minus digni, & ad reformationem omnino inepti, vocem, seu suffragium habentes, malitia temporum sic ferente, eligantur, ac confirmandi proponantur; Nos præmissis obviam ire, ac felici, prosperoque Provincialiam ejusdem Ordinis statui, atque regimini, quantum Nobis ex Alto conceditur, providere; Teque specialibus favoribus, & gratiis prosequi volentes, & a quibulvis Excommunicationis, Suspensionis, & Interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existis, ad effectum præsentium tantum consequendi, harum serie absolventes, & absolutum fore censentes, Supplicationibus tuo nomine Nobis super hoc humiliter porrectis inclinati, Tibi, de cujus fide, prudentia, integritate, vigilantia, ac Religionis zelo plurimum in Domino confidimus, ut in eisdem Capitulis Provincialibus, quando necessitas, bonumque dictarum Provincialiarum Regimen, sive utilitas id exegerit, Tu solus iuxta datam Tibi a Domino prudentiam, Ministros Provinciales, Definidores, aliosque Officiales una vice in qualibet Provincia, in qua Capitulum Provinciale habendum, celebrandumque erit, ante celebrationem Capituli Generalis Ordinis prædicti nominare, & deputare libere, ac licite possis, & valeas, Auctoritate Apostolica tenore præsentium concedimus, & indulgemus: Quam etiam facultatem tuo arbitrio, vel augendam, vel minuendam tuis Commissariis Visitatoribus delegandis juxta rerum, & locorum exigentiam in iis Provinciis, ad quas accedere nequiveris, tribuere, & subdelegare possis, dicta auctoritate impertimur. Non obstantibus Constitutionibus, & Ordinationibus Apostolicis, ac quatenus opus sit, Ordinis, & Provincialiarum prædictarum, etiam Juramento, Confirmatione Apostolica, vel quavis firmitate alias roboratis, Statutis, & Consuetudinibus, Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis; Quibus omnibus, & singulis, illorum tenores præsentibus præplene, & sufficienter expressis, ac de verbo ad verbum inser-

tis habentes, illis aliàs in suo robore permanfuris, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

Datum Romæ, apud S. Mariam Majorem sub Annulo Piscatoris. Die 13. Julii 1762. Pontificatus Nostri Anno quarto.

*N. Card. Antonellus.*

*Litteræ Apostolica, quibus ex-Definitoribus Generalibus  
Cismontana Familia conceditur jus suffragii perpetuum  
in omnibus Capitulis, Congregationibus,  
& Definitoriis Provincialibus suarum  
respective Provinciarum.*

CLEMENS PAPA XIII.

*Ad futuram rei memoriam.*

**I**Njuncti Nobis per abundantiam Divinæ gratiæ Pastoralis Officii sollicitudo postulat, atque exigit, ut iis, per quæ Christifidelium sub suavi Religionis jugo Altissimo famulantium prospero statui consulitur, ejusdem officii partes sedulo intendamus, prout conspiciamus in Domino salubriter expedire. Alias siquidem pro parte dilectorum filiorum Ex-Definitorum Generalium absolutorum Familiæ Cismontanæ Ordinis Fratrum Minorum S. FRANCISCI tam de Observantia, quam Reformatorum nuncupat. dilectis itidem filiis, Discretorio Generali familiæ, & Ordinis hujusmodi in Civitate Mantuan. pro celebratione Capituli Generalis ipsius Ordinis in unum congregato, exposito, quod, si Ex-Definitoribus Generalibus pro tempore existentibus, absoluto sexennio muneris, sive Officii hujusmodi a Capitulis Generalibus alias sibi demandati, jus suffragandi in omnibus Capitulis, Congregationibus, & Definitoriis Provincialibus suarum respective Provinciarum concederetur, id in profectum, & utilitatem earundem Provinciarum cederet, idem Discretorium rem maturè perpendens, de consensu dilecti Filii Nostri Ignatii S. R. E. Presbyteri Cardinalis Cribelli nuncupat. in

in eodem Capitulo, Nostro, & hujus S. Sedis nomine Præsidentis, suum edidit Decretum tenoris sequentis, videlicet = Reverendissimi, & Admodum Colendissimi Patres = Pro parte Ex-Diffinitorum Generalium tam Regularis Observantiæ, quam Reformatorum Cismontanæ Familiæ reverenter exponitur Reverendissimis Paternitatibus Vestris multum expedire profectui, & utilitati Provinciarum ejusdem Familiæ, quod statuatur, ut hujusmodi Ex-Diffinitores Generales absoluto sexennio actualis Officii, jure gaudeant suffragandi in omnibus Capitulis, & Congregationibus Definitorialibus suarum respectivè Provinciarum; cum enim fuerint supremi in Ordine Judices, & Superiorum Generalium Consultores, ac proinde constituentur supremum Senatum totius Ordinis ad discutienda, & definienda graviora negotia, & causas ejusdem Ordinis, consequitur, ut polleant doctrina, zelo, prudentia, atque singulari experientia; propterea eorum assistentia in præfatis Capitulis, & Congregationibus Definitorialibus lumen afferat, & juvamen pro justa, & salubriori resolutione Causarum, & negotiorum, quæ in ipsis tractantur. Similibus enim ex causis fel. record. Urbanus VIII. concessit, atque decrevit, quod in Provinciis Ultramontanæ Familiæ semper adessent in Capitulis, & Definitorialibus functionibus duo Patres habituales, videlicet Pater dignior, & Provincialis immediatus, ut patet ex Literis Apostolicis incipien. — Onerosa — Die 23. Julii 16, 9. derogando contrariæ dispositioni san. mem. Gregorii XV. quæ quidem rationes fortius militant pro solis Ex-Diffinitoribus Generalibus, ut Paternitatibus vestris apertè constat; Quapropter humiliter supplicant, quatenus Paternitates Vestræ Reverendissimæ decernere dignentur, supplicandum Sanctissimo, ut in Cismontana Familia Ex-Diffinitores Generales Ordinis gaudeant in perpetuum jure suffragandi in Capitulis Provincialibus, & Definitoriis propriæ Provinciæ, quo pacto etiam provisum erit decori præcipuorum Officialium Religionis; & de gratia, quam Deus &c. Assistente Eñno Domino Domino Cardinali Præsidente, totum Discretorium Generale Ordinis censuit expedire utilitati Provinciarum pro recto Gubernio ipsarum, petita concedere, ut in precibus, atque adeò supplicandum esse Sanctissimo pro Gratia. Datum Mantuæ in Comitibus ge-

neralibus die 14. Maji 1762. — Ita est Fr. Benedictus Maria de Florentia Diffinitor Generalis Substitutus, Ex-Procurator Generalis Ordinis — Fr. Venantius Tyfzkovvki Diffinitor Generalis — Fr. Silvester Maria ab Amalphi Diffinitor Generalis — Fr. Seraphinus a Ceritano Diffinitor Generalis — Fr. Philippus de Podio Mirteto Diffinitor Generalis — Fr. Bernardinus de Spalato Diffinitor Generalis — Fr. Franciscus Antonius a Mutiliana Diffinitor Generalis — Fr. Cajetanus Maria a Syracusis Diffinitor Generalis — Fr. Benedictus a Cavalefio Diffinitor Generalis — Fr. Joannes Franciscus de Rapallo Diffinitor Generalis — Fr. Carolus a Gollecono Procurator Generalis Minorum Reformatorum — Fr. Anacletus de Roma Procurator Generalis Ordinis — Fr. Joannes Antonius a Sancta Cruce Lector Jubilatus, & Discretus — Fr. Petrus Joannes de Molina Ex-Minister Generalis — Fr. Clemens de Panorino Minister Generalis — I. Cardinalis Cribellus Præfex Capituli — De mandato Rm̃i Discretorii Generalis Fr. Franciscus Thomas Maria de Cardera Secretarius — Loco ✕ Sigilli — Cum autem, sicut dictum Discretorium Nobis subinde exponi fecit, ipsum hujusmodi Decretum, quo firmius subsistat, & servetur exactius, Apostolicæ confirmationis nostræ patrocínio communiri summopere desideret; Nos ipsum Discretorium specialibus favoribus, & gratiis prosequi volentes, & illius singulares personas a quibuscvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatae existunt, ad effectum præsentium tantum consequendi, harum serie absolventes, & absolutas fore censentes, supplicationibus ejus nomine Nobis super hoc humiliter porrectis inclinati, præinsertum ejusdem Discretorii Generalis Decretum auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adjicimus, omnesque, & singulos tam juris, quam facti etiam substantiales defectus, si qui desuper intervenerint, supplemus, & sanamus. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodocumque spectabit in futurum plenissimè suffra-



fragari, & ab eis respectivè inviolabiliter observari; Sicque in præmissis per quosunque Judices ordinarios, & delegatos, etiam Causarum Palatii Apostolici Auditores judicari, & definiri debere; ac irritum, & inanè, si secus super his a quovam quavis auctoritate scienter, vel ignoranter contigerit attentari. Non obstantibus Constitutionibus, & Ordinationibus Apostolicis, ac Ordinum, & Provinciarum hujusmodi, etiam juramento, confirmatione Apostolica, vel quavis firmitate alia roboratis, Statutis, & consuetudinibus, Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plenè, & sufficienter expressis, ac de verbo ad verbum insertis habentes, illis aliàs in suo robore permansuris, ad præmissorum effectum, hac vice dumtaxat specialiter, & expressè derogamus, cæterisque contrariis quibuscumque. Volumus autem, ut earundem præsentium literarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides adhibeatur, quæ adhiberetur ipsis præsentibus, si forent exhibitæ, vel ostensæ. Datum Romæ, apud Sanctam Mariam Majorem sub Annulo Piscatoris. Die xxii. Junii mdcclxii. Pontificatus Nostri Anno Quarto.

*N. Card. Antonellus.*



*Litteræ circulares a Rmo P. Ministro Generali ad universum  
Ordinem directæ, quibus electionem suam significat, & plura  
decernit ad Seraphicæ Regulæ observantiam, disciplinæque  
Regularis puritatem, ac studiorum methodum  
in scholis retinendam.*

## FR. PETRUS JOANNETIUS DE MOLINA

Sacræ Theologiæ antiquus Lector, Catholicæ Majestatis in  
Regali Matritensi Congressu pro Immaculata Virginis  
Conceptione Theologus, & Totius Ordinis Fratrum  
Minorum iteratò Minister Generalis, Commissarius,  
Visitator Apostolicus, & humilis in  
Domino Servus.

*Dilectissimis in Christo universis Patribus, Fratribus;  
& Monialibus, Superioribus ac Subditis, tam Primi,  
quam Secundi, & Tertii Ordinis, Curæ &  
Jurisdictioni Nostræ subjeclis salutem,  
& pacem in Christo Jesu Dño nostro.*

**P**ostquam admirabilis suæ Providentiæ consilio Deus Opti-  
mus Maximus, *in cujus manu constituta sunt sortes homi-  
num (a)*, quique *suscitat de Terra inopem (b)*, *humilemque in  
sublimi loco reponit (c)*, Nos nihil tale cogitantes, immo pa-  
lam renuentes verbo, & scripto coram omnibus Definito-  
rii, & Discretorii Generalium Patribus, meritis licet im-  
paribus, omnium fere tamen suffragiis Vocalium mirificè  
consentientibus, tot inter meritos, gravissimosque Patres,  
ad Supremum Ordinis nostri Gubernium secundò evehe-  
re dignatus est in ultimo Generali Capitulo 29. Maii, anni  
currentis 1762. Mantuæ celebrato; vehementer adeo humi-  
liati, & conturbati sumus, ut ex imo corde erumpentibus  
suspiriis cum Regio Propheta exclamare caperimus, atque  
etiamnum exclamare pergamus, *Exaltatus autem humiliatus  
sum, & conturbatus (d)*: Humiliatus quidem, quoniam pau-  
peres, & inopes sapientia, ac prudentia, reliquisque virtuti-  
bus ad numerosissimum gregem Nobis commissum, sanctè,  
& im-

(a) Psal. 30. 16. (b) Psal. 113. 7. (c) Job. 5. 11. (d) Psal. 87. 16.

& immaculatè in vinea Domini regendum, Nos esse cognoscimus: Conturbatus autem, quod cum in assiduis jam inde a nostra juventute laboribus fuerimus, corporis, animique magna ex parte deperditis viribus, Nos ipsos impares experimur ad ferendum onus, *Angelica etiam humeris formidandum (a)*.

Neque verò miremini, Fratres, ac Filii in Domino dilectissimi Nostram, dum iterum electi sumus, humiliationem, & conturbationem: Nam cum in prima, qua jam functi sumus, suprema Ordinis Præfectura, gravissimas trepidandi causas experti simus; tum verò ex hac novissima promotione Nostra in spiritus mærore, & angustia cum prælaudato Regio Psalmista pronunciare cogimur: *In me transierunt ira tua, & terrores tui conturbaverunt me (b)*, circumdederunt me sicut aqua tota die, circumdederunt me simul: Atque iræ quidem Dei Terribilis in consiliis super filios hominum (c) transigentes cor meum, transierunt in me velut sagitta pectori infixæ (d); probe agnoscentes Judicium durissimum, quod comminatus est Supremus Judex vivorum, & mortuorum iis, qui præsumunt (e); terribiles cruciatus, qui Potentibus, & Fortibus parati sunt (f); infirmitatem, & imbecillitatem propriam, quam confiteri non erubescimus; maximam animarum multitudinem, pro quibus die noctuque invigilare debemus, rationem pro illis summo, severissimoque Judici reddituri; artes etiam subtilissimas, quæ a subdolis, perverisq; hominibus excogitantur in dies ad involvendam veritatem, pervertenda Superiorum Judicia, eorumque licet rectissima mandata eludenda; sic ut passim derideatur Justi simplicitas, & hominum multorum in Religione viventium sapientia sit, *Cor machinationibus tegere, sensum verbis velare, quæ falsa sunt vera ostendere, quæ vera sunt falsa demonstrare (g)*: Contemptum præterea vidimus legum, plurium Religiosorum pectora pervasisse, recursuum frequentiam contra Pontificias, & Ordinis sanctissimas Leges ad Viros extra Ordinem Potentes, mendaciis, apertisque calumniis adversus Superiores, & innocentes Fratres; æternarum rerum oblivionem, terrenarum amorem, fraternæ charitatis tepiditatem, fervorem vitiorum, & alia hujusmodi, quæ insuperabiles fermè efficiunt in Prælati bene regendi diffi-

(a) Conc. Trident. (b) Psal. 47. 17. (c) Psal. 65. 3. (d) Psal. 37. 3.  
(e) Sap. 6. 3. (f) Sap. 6. 7. (g) D. Greg. X. Moral. cap. 10.

difficultates. Atque hi profecto terrores Dei sunt, qui Nos maxime exagitant, & non sine ratione conturbant. Si enim, ut egregie super laudatum Psalmi locum scribit Sanctus Augustinus (a): *Terrores Dei conturbant infirmitatem fidelium, quia omne quod accidere potest, etiamsi non accadat, prudenter timetur*. Multo magis hanc nostram trepidationem justam, & rationabilem esse vos ipsi judicabitis, si recensita mala non tantum evenire posse, sed evenisse quoque, & usu quotidiano comprobari considerabitis; quamobrem nobis reipsa contigisse experimur, quod prælaudatus S. Doctor subjungit: *Et aliquando terrores ipsi ita conturbant animum cogitantis circumspicientibus malis, ut sicut aqua undique circumfluere videantur, & simul circumdare metuentem*.

His ergo aquarum procellis undequaque circumdati, ac xeluti in altitudine maris constituti extremum metuentes naufragium, ad Deum suspirare, & clamare non desistimus, illud sæpe repetentes (b): *Domine Deus salutis meæ, in die clamavi, & nocte coram Te*. Vosque Fratres, & Filii dilectissimi, per Jesu Christi viscera oramus, & obtestamur, ut fervidas, & indefinentes preces ad Deum Patrem Omnipotentem, a quo quidquid bonum, perfectumque est, descendit, qui fortitudo nostra est, & firmamentum, mecum fundatis; quatenus pro immensa sua pietate, & clementia lumen suum Nobis, auxilium, vires, & latitudinem cordis velut arenam, quæ est in littore maris (c) elargiri dignetur, ad vos juste, & cum omni charitate dirigendos, & gubernandos.

Curas itaque omnes, spes, & sollicitudines Nostras jactantes in Domino, qui potenti virtute sua Nostras sanabit infirmitates, bonamque Nobis voluntatem, robur, & vires adjiciet ad populum, & hæreditatem suam salubriter, & immaculatè dirigendam, dum vobis, Patres, Fratresque in Domino dilectissimi, secundam hanc canonicam electionem Nostram in totius Ordinis S.P.N. Francisci Ministrum Generalem, & Servum his præsentibus literis palam efficimus, vestrarum orationum, & spiritualium meritorum subsidium ad impossibile Nobis gravissimum munus rite, sancteque obeundum, tota animi contentione, & fiducia deposcimus. Ut vero cælestis adjutorii, & gratiæ effici mereamur digni, & partici-

pes

(a) August. in Psal. 87.

(b) Job. 3. 9. 10.

(c) Regum 3. 4.

pes, vos etiam atque etiam monemus, & adhortamur, ut altissimæ vocationis vestræ memores, sanctitatem, pacem, ac reliquas religiosas virtutes sectemini in omnibus: *Non enim vocavit vos Deus in immunditiam, sed in sanctificationem (a)*; ac propterea *Secundum eum*, qui vocavit vos sanctum, & ipsi in omni conversatione sancti sitis (b): *Eritis mihi sancti, quia sanctus sum ego Dominus, & separavi vos a ceteris populis, ut essetis mei (c)*: Nam hæc est voluntas Dei sanctificatio vestra.

Dum autem vobis sanctimoniam vitæ, & pietatem enixè commendamus, non exteriorem tantum, & umbratilem Sanctitatis speciem intelligimus, sed veram, solidam, atque perfectam, quæ vos intimè, & constanter adhærere Deo faciat. Denique veros amicos, & Dei servos constituat, per quam omnes vestræ sanctificentur cogitationes, opera, & verba, quæque vos ad altissimæ vocationis vestræ normam, in Sanctarum legum exactissima observatione, sine qua nulla potest subsistere vera Religio, stabiliat, & confirmet.

Ad hanc certe Religiosæ vitæ Sanctimoniam in perfecta legum observatione sitam, animum intendisse scimus Beatissimum Patrem nostrum Sanctum Franciscum, dum Regulam, Fratribus suis a se præscriptam, esse dixit ipsam S. Evangelii observantiam: *Regula*, inquit, & *vita Fratrum Minorum hæc est, scilicet Domini Nostri Jesu Christi Sanctum Evangelium observare, vivendo in obedientia, sine proprio, & in castitate (d)*. Eandem præ oculis habuerunt Romani Pontifices, qui tot saluberrimas, sanctissimasque leges ad tuendam Regulæ nostræ puritatem tulerunt; quorum vestigiis inhærens Sanctissimus Dominus Noster CLEMENS XIII. qui nunc feliciter regnat, atque incomparabili clementia Minoriticum Ordinem nostrum prosequi dignatur, præter gravissima mandata, quæ per organum Eminentissimi, & Reverendissimi Domini Cardinalis Cribelli meritissimi Præsidis Capitulo Generali significari jussit, illud etiam addidit Pastoralis sollicitudinis, & Pontificiæ benignitatis complementum, ut Almam Romanam Urbem coram conspectu suo accederet Minister Generalis recens electus, ut eidem vitæ vocis Oraculo suam expromeret mentem, præscriberetque remedia, quæ ad restituendum Ordini candorem, ac Monasticam

I

cam

(a) Thef. 4. 7. (b) 1. Pet. 1. 15. (c) Levit. 24. 45. (d) Regu. 1.

cam disciplinam conservandam necessaria viderentur , & opportuna .

Quamobrem absolutis Generalibus Comitibus Romam pervenimus , atque ad Beatissimi Patris presentiam , sacrorum pedum osculum , colloquiumque sapientius benigne admissi , ea omnia , quæ Sanctitas Sua tam Generali Capitulo , quam Nobis in privatis colloquiis mandare dignata est , in compendium redigere , distinctisque articulis , ut executioni adamussim mandentur , vobis proponere decrevimus .

*Primo* itaque abrogandos , annullandos , & auferendos esse iussit omnes quintos Definidores sub quovis colore , & prætextu , aut quavis autoritate institutos , & electos ; præcipiendo pariter , quod imposterum tales quinti Definidores non instituantur . Hinc Summi Pontificis mandatis obtemperando , presentium vigore abrogatos , & è medio sublatos declaramus præfatos omnes quintos Definidores , ita ut ab harum publicatione censeantur omnino ab officio absoluti , ac privilegiis omnibus , & prærogativis spoliati , quibus Provinciarum Definidores , sive actuales , sive habituales , vel de jure , vel consuetudine gaudere consueverunt ; illis exceptis , qui biennium exercitii adimpleverunt , qui gradum ex-Definitorum conservabunt . Ac sub formalis obedientiæ præcepto mandamus , & præcipimus , ne deinceps tales quinti Definidores contra Ordinis leges instituantur .

*Secundo* , quod prorsus e medio tollantur quarti Lectores S. Theologiæ , & secundi Philosophiæ ; ac in omnibus Studiis cum Generalibus , tum etiam Provincialibus , reducantur Lectores ad præcisum numerum in Generalibus Statutis Ordinis constitutum . Quod ut promptæ executioni convenientius mandetur , sequentia decernimus , & præcipimus . Quod , scilicet , secundi Lectores Philosophiæ tam in Studiis Generalibus , quam Provincialibus , statim ac præfentes Literæ fuerint publicatæ , habeantur pro depositis , & ipso facto cessent ab exercitio Lecturæ : quod si extra suam Provinciam inveniantur , harum vigore per Ministros Provinciales remittantur ad propriam . Hi tamen Lectores , si in Concursum fuerint approbati , & inclusi , absque novo Concursum debeant in propria Provincia obtinere locum , in prima vacantia , tam in Studiis Provincialibus , quam Generalibus

libus respectivè ; in aliena vero Provincia juxta opportunitatem , & occurrentes rerum circumstantias , prudenti arbitrio Reverendissimi P. Commissarii Generalis , si de Lectoribus Cismontanis , per Nos vero , si de Ultramontanis agatur .

Qui quartam Lecturam consequuti fuerint , sine prævio Concursu , & Inclusiva in eo adepta , non solum privatos Lecturam declaramus , sed etiam inhabiles imposterum pronunciamus ad docendam Theologiam , nisi per novum Concursum ab ipsis prorsus faciendum , Inclusivam reportaverint . Secus verò , qui prævio Concursu , & Inclusiva quartam Lecturam fuerint adepti ; qui quidem quartam Lecturam relinquunt , ut dictum est hætenus ; absque novo tamen Concursu , in prima vacantia admittantur ad ordinariam Lecturam in propria pariter Provincia ; vel etiam in aliena , non tamen in prima vacantia , sed data opportunitate , atque aliis perpenſis circumstantiis per Reverendissimum P. Commissarium Generalem , vel per Nos ipsos , quemadmodum de secundis Philosophiæ Lectoribus paragrapho antecedenti decretum est .

Lectores verò Sacræ Theologiæ Provinciales , si qui reperiantur , qui absque prævio Concursu , & Inclusiva ad Lecturam admissi sint , omnino deponantur ; & qui tertii in hujusmodi Studiis sunt , quique prævio Concursu , & Inclusiva fuerunt in Lecturæ exercitio positi , hisce præsentibus Literis Nostreis publicatis , cessent pariter a ministerio Lecturæ , cum jure tamen reassumendi Lectorum officium in similibus Provincialibus Lecturis , data vacantia opportunitate , quemadmodum supra de quartis Lectoribus Generalibus fuit sancitum . Cum Mens Sanctissimi sit , cui ea qua decet animi demissione , ac promptitudine Nostrum pariter Judicium subijcimus , quod in Studiis Generalibus primæ classis tres tantum retineantur S. Theologiæ Lectores , & duo in studiis Provincialibus , duoque similiter in studiis Generalibus secundæ classis .

Circa quos ultimos , præsentium vigore præcipimus , & mandamus , quod ubi reperiuntur tres Lectores , hi censeantur depositi , & sublati absque ullo jure , ut deinceps restituantur , si absque prævio Concursu , & Approbatione fuerint ad actualem Lecturam adsumpti . Qui vero prævio Con-

curfu , & Includiva tertiam Lecturam in hujusmodi Studiis obtinuerunt , permittimus quidem , ut eam prolequantur , hoc tamen pacto , quod vacante Lectura Ordinaria Generali in Studiis five primæ , five secundæ classis , unus ex tribus præfatis Lectoribus secundæ classis ad vacantem illam Lecturam promoveatur , quin alius de novo instituat , vel introducatur , donec reducantur omnia Studia Generalia ad numerum Lectorum in nostris Legibus præfixum ; quod nempe sint tres Lectores S. Theologiæ in Studiis primæ classis , & duo tantummodo in illis secundæ classis . Ad tollendas autem omnes æquivocationes , per Includivam intelligimus approbationem per 48. puncta obtentam , vel ad minus 47. dummodo Definitorium unius puncti deficientiam suppleverit , relate ad Lecturam in propria Provincia .

Quod vero spectat ad Ultramontanam Familiam , tametsi nec quartos Theologiæ Lectores , nec secundos Philosophiæ investos fuisse noverimus , nihilominus ad præscriptum ejusdem Familiæ Legum præcipimus , quod paucis Studiis exceptis , in quibus Generalia Statuta tres Lectores Sacræ Theologiæ adesse volunt , reliqua omnia ad duos tantum Lectores Theologiæ reducantur ; ea prorsus ratione , qua de Lectoribus secundæ classis Cismontanis supra decretum est . Et tandem omnino præcipimus sub nullitate actus , nè secundi Lectores Philosophiæ ullo umquam pacto , seu prætextu introducantur .

*Tertio* præcipimus , ut exactius imposterum observentur Apostolicæ Constitutiones Ven. Innocentii XI. & fel. rec. Innocentii XII. in ea signanter parte , quæ concernit altissimam Paupertatem , super omnes thesauros , & regna Mundi a Sanctissimo P. N. Sancto Francisco filiis suis summo pere commendatam ; quod sane Pontificium præceptum usque adeo necessarium ac proficuum visum est Capitulo Generali , ut contra transgressores duplicaverit pœnas ab Ordinis nostri Legibus inflictas contra Proprietarios .

Utque Sanctissimorum Pontificum , quos laudavimus , hac in parte sensum , & mentem probe teneatis , consultius duximus eorum Oracula ex Bullis literaliter excerptas , vobis ante oculos ponere , ne quis laxitates in re tanti momenti , & abusus ad conscientiam latratus reprimeundos , vigentesque san-



sanctissimas Leges eludendas causari possit. Itaque Ven. mem. Innocentius XI. Constit. incip. *Sollicitudo Pastoralis*. 20. Novembris 1679. sequentibus verbis sanctissimæ Paupertatis observantiam commendat, & præcipit : „ Tenore præsentium „ declaramus, omnes & singulos Fratres de corpore Obser- „ vantia dicti Ordinis teneri in conscientia observare Regu- „ lam Fratrum Minorum S. Francisci, & præcepta ejus a „ fel. record. Nicolao III, & Clemente V. Romanis Ponti- „ ficibus Prædecessoribus Nostis exposita, & annumerata ... „ ad incedendum sine calceamentis, hoc est absque aliquo, „ quod pedem cooperiat, cujuscumque illud materiæ sit, „ nisi adsit vera necessitas a Prælato approbanda; ad non „ equitandum, nisi infirmitas, vel necessitas judicio Supe- „ rioris probata excuset; ad vilitatem vestium juxta prædi- „ ctas Constitutiones respective; ad non utendum pluribus „ vestimentis, quam illis, quæ Regula præscribit, nempe „ una tunica cum caputio, & alia sine caputio, chorda, & „ femoralibus: nam aliud quodvis vestimenti genus ultra præ- „ dicta, excepto mantello, ab initio Religionis licito, ut „ indusia, sive camisia, sudariola, tunicellæ, & similia sunt „ contra Regulam, nisi adsit vera necessitas excusans a præ- „ cepto per Prælatum approbata. Ac demum teneri ad ca- „ pitale præceptum Religionis Fratrum Minorum, de non „ recipiendis denariis per se, vel per interpositam Perso- „ nam; aliarum enim rerum necessariarum possunt Fratres „ Minores de corpore Observantia hujusmodi habere usum, „ licet non dominium; denariorum autem nec dominium, „ nec usum; & proinde quævis contrectatio pecuniæ, seu „ denariorum, quæ non sit purè naturalis, seu quæ sit quo- „ vis modo politica, cujuscumque Domini sint denarii, seu „ pecunia, Fratribus Minoribus Observantibus, seu de Obser- „ vantia est omnino prohibita. Quia vero efficacius præ- „ dicta observandi medium est exemplum Prælatorum, „ sive Superiorum, ideo statuimus pariter neminem eligi „ posse in Prælatum, sive Superiorem in Ordine prædicto, „ qui vitam communem Observantia non sequatur, hoc „ est, qui frequenter equitet, seu infirmitatem, qua ab obli- „ gatione pedibus incedendi excusetur, habeat; qui indu- „ tiis, seu camisiis, aut lineis utatur apud se, vel in lecto; „ quæ

„ qui calceatus incedat , qui jejunia Ecclesiæ , & Regulæ non  
 „ observet , qui aliquando visus sit contrectare pecunias , nisi  
 „ jam per triennium saltem emendatus sit .

„ Porro electio illius , qui in omnibus præmissis vitam  
 „ communem non sequatur , iæritanda sit a Prælato , sive a  
 „ Superiore Generali , capta informatione extrajudiciali pro  
 „ sua conscientia , sine strepitu judicii , cum consilio tamen ,  
 „ & assensu trium Fratrum , qui Ministri Provinciales , vel  
 „ saltem Definidores Provinciæ sint , vel fuerint .

„ Demum ut omnis occasio transgrediendi præceptum  
 „ de non contrectandis denariis , seu pecuniis auferatur , om-  
 „ nibus & singulis dicti Ordinis Prælatis , sive Superioribus  
 „ in virtute Sanctæ Obedientiæ , & sub pœna privationis  
 „ suorum Officiorum injungimus , ut nulli Religioso ejus-  
 „ dem Ordinis permittant administrationem fundorum , red-  
 „ dituum , aut quarumcumque aliarum rerum , & bonorum  
 „ mobilium , vel immobilium , cujuscumque Domini illa  
 „ sint , & signanter , ut nulli Religiosorum Ordinis hujus-  
 „ modi permittatur administratio bonorum temporalium  
 „ alicujus Monasterii Monialium , sub quovis prætextu ,  
 „ aut nomine , nempe Administratoris , Syndici , Factoris ,  
 „ Coloni , Superintendentis , Villici , aut alio quovis ima-  
 „ ginabili . . . .

Haftenus laudatus Sanctissimus Pontifex : quæ omnia re-  
 petit , ac etiam sub fortioribus clausulis , & terminis probat ,  
 & confirmat Innocentius XII. Constit. incip. *Alias a fel. re-*  
*cord.* die 2. Julii 1693. Has ergo Sanctissimas Constitutiones in  
 omnibus suis partibus , & præcipue in illa , quæ Minoriti-  
 cam Paupertatem concernit , ab omnibus Religiosis subditis in-  
 violabiliter observari jubemus , ac præcipimus sub pœnis in iis-  
 dem inflictis , & a Capitulo Generali contra transgressores de-  
 terminatis ; atque omnes per Jesu Christi viscera monemus , &  
 adhortamur , ut sæpius ad mentem revocent Sanctissimi Pa-  
 tris N. Francisci saluberrimum monitum ; ait enim „ hæc  
 „ est illa celsitudo altissimæ Paupertatis , quæ Vos carissi-  
 „ mos Fratres meos hæredes , & reges regni Cœlorum in-  
 „ stituit , Pauperes rebus fecit , virtutibus sublimavit : Hæc  
 „ sit portio vestra , quæ perducit in Terram viventium , cui  
 „ dilectissimi Fratres totaliter inhærentes , nihil aliud pro  
 „ nomi-

71  
„ nomine Domini Nostri Jesu Christi ; in perpetuum sub  
„ Cœlo habere velitis (a) „ . Quibus quidem dulcissimis ver-  
bis Religiosi quicumque Seraphicam Regulam professi, ad fer-  
ventissimum sanctæ Paupertatis amorem excitari, inflamma-  
rique deberent .

*Quartò*, ut Superiores Locales provideant suis subditis  
de necessariis omnibus quoad victum, & vestitum, & rebus  
aliis, quæ ad suorum respectivè officiorum exercitium requi-  
runtur : quæ profecto saluberrima dispositio legitimum est  
enuntiata Paupertatis consecrarium ; vix enim Religiosi sub-  
diti Regulæ puritatem, in iis præsertim, quæ sanctæ Pauper-  
tatis rigorem concernunt, observare possunt, nisi res om-  
nes ad usum necessarias a propriis Superioribus consequan-  
tur . Cumque ex longo usu, & experientia didicerimus ple-  
rasque contra sanctam Paupertatem transgressionem, illicitos  
ad Sæculares Personas recursus, pecuniarum contrecta-  
tiones, & vetitos usus, in Religionem fuisse invehctos ex hac  
Superiorum oscitantia subministrandi Religiosis subditis ne-  
cessaria ; ipsorum Superiorum conscientiam oneramus, ac  
iisdem sub privatione suorum Officiorum, aliisque gravio-  
ribus poenis mandamus, & præcipimus, ut gravissimum hoc  
Summi Pontificis mandatum indispensaliter executioni man-  
dare non prætermittant .

*Quintò* tandem, ne Superiores Locales sese excusare  
deinceps valeant ab administrandis suæ Familiæ necessariis,  
curent Superiores Generales, ut in unoquoque Conventu is  
Fratrum numerus statuatur, ( imminuendo etiam in Pro-  
vinciis, quatenus opus fuerit, Novitiorum numerum ) qui ex  
consuetis elemosynis commodè sustentari queant . Cumque  
hæc una sit ex gravissimis causis, ex qua tamquam infecta  
radice nedum adversus sanctam Paupertatem, verum etiam  
adversus reliquas virtutes omnes innumera mala proveniunt,  
Sanctissimi Pontificis feliciter Regnantis, & aliorum Præde-  
cessorum, qui hunc abusum Apostolicis Constitutionibus dam-  
narunt, menti inhærendo, firmiter præcipimus Provincia-  
rum Ministris, nè Religiosorum numerum in propriis respec-  
tivè Conventibus, supra consuetas elemosynas, quas pii  
Benefactores ad alendos Pauperes Religiosos clargiri solent,

excre-

(a) In Reg. 6.

excrefcere permittant : Ad quem etiam effectum attentos effe defideramus Ordinis Noſtri Generales Procuratores in Romana Curia commorantes , quatenus eum tantum procurent , & indulgeant Novitiorum numerum , qui ſingulis reſpectivè Provinciis ſit præciſe neceſſarius , & qui commode ali , & ſubſtentari queat ſecundum eam , quam Domino promiſimus ſanctam , & arctiſſimam Paupertatem .

Hæc igitur ſunt graviſſima non minus , quam ſaluberriſſima Oracula , quæ ex mente Sanctiſſimi Pontificis vobis, Fratres in Domino dilectiſſimi , ea , qua poſſumus animi contentione , pro eorundem obſervantia commendamus . His autem perpauca quædam Nos ipſi ſuperaddimus , quæ magis neceſſaria , & opportuna videntur ad Religioſum Seraphicæ vitæ Inſtitutum immaculatè cuſtodiendum , ſicut decet *Servos Dei* (a) . Et nè novas Leges condendo , ſuper vires veſtras tenues , & imbecilles graviorem ſarcinam efficiamus , antiquas omnes Ordinationes ratas habemus , & confirmamus , quas alterius Miniſteriiatus Generalis Noſtri tempore , per varias encyclicas Literas Noſtras ad univerſum Ordinem expeditas Religioſis ſubditis præcepimus , & ea ſignanter , quæ ſanctum Viæ Crucis exercitium , & Receſſum Conventus concernunt . Quoniam vero ſecundum Spiritus Sancti cœleſte Oraculum , *multam malitiam docuit otioſitas* (b) ; Et , *qui ſeclatur otium ſtultiſſimus eſt* (c) ; *Fratres illi quibus gratiam dedit Dominus laborandi , laborent fideliter , & devotè , ita quod excluſo otio animæ inimico , ſancta orationis , & devotionis Spiritum non extinguant , cui debent cætera temporalia deſervire* (d) . Cumque Seraphicus Pater filios ſuos ad otii fugam providè adhortans , caverit etiam per quam ſollicitè , nè laboris diſtractio orationis , & devotionis Spiritum extingueret , aliam quoque inſinuavit otii fugiendi rationem , laboritium videlicet ſpirituale , quod in jugi Sanctæ Orationis exercitio conſiſtit , dum Religioſum Virum Divino mancipatum obſequio oporteat *ſemper orare , & non deficere* (e) : propterea , Patres , Fratresque in Domino dilectiſſimi , ad Legum Noſtrarum normam , vobis etiam atque etiam commendamus ſollicitudinem , & diligentiam ad Divinas Laudes in Choro perſolven-

(a) In Regn. 5. (b) Eccl. 33. 29. (c) Prov. 12. 11. (d) In Reg. 5. (e) Luc. 18. 1.

ventas, assiduitatem ad mentales orationes; atque ad alia omnia veræ devotionis, & pietatis exercitia, quæ apud Nostros magno Religiosæ perfectionis profectu fieri laudabiliter consueverunt. Ac præter ista cupimus, & iungimus Ministris Provincialibus, ut in suis respective Provinciis aliquos deligant Religiosos benè moratos, & doctos, qui alios per plenæ Communitatis actus statim diebus quolibet anno instruant, iisque dent spiritualia exercitia per practicas meditationes, quemadmodum in aliquibus Provinciis non sine ingenti fructu, & maxima animi Nostri lætitia fieri intelleximus. Quod si hisce in rebus oscitantia inuenta sit, ac damnabilis tepiditas, non aliunde id mali genus derivasse credimus, quam ex frequenti, eaque periculosa extra Conventum vagandi licentia, & consuetudine: Similes quippe divagationes ultra quamquod Statum religiosum omnino dedeant, bonos etiam, sanctosque mores corrumpunt, & mundano pulvere faciunt Religiosorum corda fordescere. Quare seriò monitos volumus Conventuum Superiores, ut subditos suos intra Claustra contineant, nec eos, exceptis necessitatis casibus, & ad honestam animi alleviationem moderatè captandam, sæcularium, & otiosorum hominum more vagari sinant, vel permittant.

Quoniam verò vix ulla in Ordine nostro adinvenitur Provincia, in qua plures non sint Religiosi Viri morum probitate, prudentia, & doctrina præstantes, qui prævalentibus contrariis Præpotentium factionibus, negliguntur, & per fas, nefasque ab Ordinis Gradibus, & Dignitatibus consequendis arcentur; atque hinc lamentationes, querelæ, & ad Tribunalia extra Religionem, Potentesque Sæculares Personas continui recursus existunt: huic malo, quod Religiosam pacem evertit funditus, & emeritorum Religiosorum patientiam plus æquo exercet, opportuno remedio occurrere volentes præcipimus, ut deinceps sepositis partium studiis, in omnibus electionibus Justitia distributiva a nostris Legibus sub gravissimis verborum formulis inculcata, indispensabiliter servetur. Cessent inter vos contentiones, & schismata, ac omnino tollantur irregulares recursus, quos sub gravissimis pœnis vetat, & damnat Benedictina Constitutio. Incip. *Sacrofancti Apostolatus*. 2. Augusti 1748. nec amplius in Claustris monstruosa illa resonent verba, *ego quidem sum Pauli*,

*li, ego autem Apollo, ego vero Cepha (a).* Ac tandem sub nullitatis poena mandamus, & præcipimus, nè in Congregationibus, & Capitulis Provincialibus, vel in Officio confirmentur, vel ad alias Dignitates promoveantur Guardiani, nisi exactissimum reddiderint, ut Statuta decernunt, Misfarum computum; ac prævia discussione, & examine authenticè non constiterit de eorum fideli administratione elemosynarum, & rerum omnium ad Conventum pertinentium. Quod si in hac parte fraudibus, & dolis intervenientibus, deficientes fuerint reperti, ipso facto ab Officio deponantur, aliisque poenis mulcentur, prout delicti gravitas exegerit, & excessus.

Reliquum est, ut Studiorum, quorum recta institutio mirum in modum conferre semper consuevit ad Ordinis splendorem, decus, & ornamentum; quæque propterea meliori, qua fieri potest, methodo pertractari omninò oportet, normam, regulamque tradamus. Præcipimus igitur, ut in omnibus Provinciis aliqui assignentur a Ministris Provincialibus Conventus, in quibus non solum Grammatices, verùm etiam Rethorices, & elegantioris Latini sermonis rudimentis, præceptisque, antequam ad studia promoveantur Philosophica, juvenes illi imbuantur, qui in recensitis artibus non satis videbuntur exculti. Horum vero Magistri, ope optimorum librorum, eorum maxime, qui rectam tradunt concionandi rationem, idoneos, atque aptos ad Verbi Dei disseminandi munus, omni, qua poterunt diligentia, & industria reddere eos curent. Atque in eo sese exercentes illud semper præ oculis habeant, ut ineptas, vanasque fabulas rejiciant, ab inutilibus quæstionibus in fugestu agitandis abstineant, nec affectent fucatum dicendi genus, sed simplex, probatumque usurpent, cum Evangelica, sanæque doctrina, memores moniti, quod Evangelii prædicatoribus dedit Seraphicus Patriarcha S. Franciscus illis verbis: *Moneo quoque, & exhortor eosdem Fratres, ut in predicatione, quam faciunt, sint examinata, & casta eorum eloquia, ad utilitatem, & adificationem populi, annuntiando eis vitia, & virtutes, pœnam, & gloriam cum brevitate sermonis (b).*

Illi autem, qui ad Philosophiæ magisterium delecti fuerint, vanas, & inutiles quæstiones, quæ vel nihil conferunt ad

(a) 1. Cor. I. 12.

(b) In Regul. 9.

ad bonos informandos Juvenum mores , vel Sacræ perdiscendæ Theologiæ nullo modo inferviunt , cui uni , tamquam pedisequa famulari debet religiosorum hominum Philosophia , missas faciant : Nec toti sint in explicandis , multoque minus adoptandis Recentiorum systematibus , in quibus nulla fere elucet utilitas ; sed veterum , atque ultimi temporis Philosophorum sententias breviter indicando , ea seligant Philosophicæ doctrinæ dogmata , quæ certa sunt , plana , & perspicua , quæque adolescentibus præsidio esse possunt ad sublimiores disciplinas capeffendas . Quam in rem maximo esse poterit adjumento methodus , quam in sua Philosophia Sensuum Mechanica adhibuit Cl. P. Fortunatus a Brixia .

Quod spectat ad rationem pertractandæ Theologiæ , illiusque tradendæ nostri Ordinis alumnis , noverint Lectores , Theologicam facultatem , ad normam Fidei Catholicæ , Sanctorum Patrum doctrinæ , Ecclesiæque sanctionum exigendam esse . Quapropter Fidei Orthodoxæ dogmata , omni argumentorum genere , præsertim vero ex Scripturarum oraculis , Apostolicis traditionibus , Patrum scriptis , Conciliis , & Pontificum Romanorum decretis contra Etherodoxos propugnare studeant quam diligentissime . Scholasticas verò quæstiones , quæ jamdiu in Scholis nostris pertractari consueverunt , non sine fructu , & utilitate agitent ; in quarum tractatione ex Ordine nostro Doctores eximios sequantur , qui in Scholastica Theologia floruerunt , quorum doctrinæ Nostrates adhærere prorsus convenit . Criticas tandem , & Historicas controversias , quibus ingenium exerceri studiosorum , & eruditio non modica comparari potest , ad examen disputando revocent , dummodo tamen hujusmodi res confectando , solidam , veramque Theologiam in Scholis tradere non omittant , quam omnibus Lectoribus summopere curæ esse volumus , & jubemus .

Illis tandem , qui ad tradendam morum Doctrinam sunt instituti , in virtute sanctæ Obedientiæ , totius Capituli Generalis gravissimo decreto inhærendo mandamus , & præcipimus , ut tutiores , & probabiliore doceant , & sectentur doctrinas . Quod si eorum aliquis vel in Scholis , vel in publicis lectionibus , quæ secundum Provinciarum morem habentur coram tota communitate de Morali Theologia , vel in administratione Sacramenti Pœnitentiæ ausus fuerit ad usum revocare

minus probabiles, laxas, & periculosas doctrinas, a Ministris Provincialibus, quorum conscientia onerata remanet, pro prima vice seriò corrigatur; nisi vero ad cor revertatur, & retipiscat, Lectorum officio, ac Ministerio excipiendi Sacramentales Confessiones omninò, & indispensabiliter privetur. Ad quæcumque autem hæcenus recensita studia, præsertim Moralia, & Theologica rite instituenda, Seraphici Doctoris D. Bonaventuræ, & Subtilium Principis Joannis Scoti probabiliores, tutas, & solidas doctrinas, secundum Legum nostrarum præscriptum, Lectores illustrare, & sequi non prætermittent.

Demum, cum Pastoralis muneris sollicitudo etiam ad revocandas oves, quæ perierant, sese debeat extendere, exemplo Evangelici illius pastoris, qui habens centum oves: *Si perdiderit unam ex illis ... dimittit nonaginta novem in deserto, & vadit ad illam, quæ perierat, donec inveniat eam* (a): Religiosos omnes Apostatas, qui tanquam oves deperditæ, extorres, & profugi extra ovile vagantur, gemitibus inenarrabilibus, ac vocibus paterno amore plenissimis, per Jesu Christi viscera oramus, obtestamurque, ut ad Religionis gremium sponte revertantur. Eos enim super humeros nostros imponemus, non minori charitate, quam gaudio; eorumque infirmitatibus ex corde compatientes, promeritis pœnas omnes condonamus, si Ordinis Superioribus, vel propriarum Provinciarum, vel alterius vicinioris cujuscumque Provinciæ sese spontè præsentaverint intra spatium octo mensium ab harum publicatione, in qualibet respectiva Provincia computandorum. Quibus tamen elapsis, nulli præsens suffragabitur indultum, quemadmodum nec illis, qui spè condonationis hujusmodi consequendæ in gravissimum Apostasiæ crimen fuerint prolapsi; quinimmo tam contra ipsos, quam contra alios quoscumque Apostatas rebelles, & contumaces, pœnas omnes a nostris Legibus præscriptas infligere non prætermittimus. Ad quem finem securiùs assequendum, Ministris Provincialibus, aliisque omnibus Superioribus Localibus, sub pœna privationis officiorum mandamus, & præcipimus, ut Apostatas in propriis respectivè districtibus vagantes omninò coerceant, atque extra Conventus eos impunè grassari nullo unquam pacto sinuant, atque permittant. Atque etiam ultimò præcipimus, ut

intra

(a) Luc. 15. 4.



intra spatium 15. dierum ab harum Lite rarum promulgatione Religiosi omnes, qui in alienis Provinciis commorantur, ad proprias redeant, iis tamen exceptis, qui ex Superiorum facultate in Conventibus Recensius de familia sunt constituti, quique Lectorum, aut Concionatorum officio defunguntur, aut in cæteris Provinciis collocati sunt ad absolvenda studia sive Philosophica, sive Theologica.

Hæc itaque sunt Patres, Fratresque in Domino dilectissimi, *gaudium*, & *corona mea* (a), quæ pro summo, pater-  
noque amore, quo vos omnes prosequor, in compendium rede-  
gimus, non utique eo consilio, ut vobis imponere jugum  
gravissimum videamur, cui sustinendo humeri vestri pares  
non sint; sed ad præcipuas dumtaxat, easque magis necessa-  
rias Ordinis Leges, ac Seraphicæ Regulæ præcepta magis,  
ac magis illustranda, ac ad vestram pietatem, & spiritum  
excitandum in Regulæ, quam professi sumus, exactissima ob-  
servantia. Ergo: *si spiritu vivimus, spiritu & ambulemus*,  
*non efficiamur inanis gloriæ cupidi, invicem provocantes, invi-*  
*cem invidentes* (b). *Sed induite vos sicut electi Dei sancti, &*  
*dilecti, viscera misericordiæ, benignitatem, humilitatem, mo-*  
*destiam, patientiam, supportantes invicem, si quis adversus ali-*  
*quem habet querelam, sicut & Dominus donavit vobis, ita &*  
*vos* (c) *Super autem hæc charitatem habentes, quod est vincu-*  
*lum perfectionis*. Interea verò crebras, & fervidas ad Deum  
preces fundite pro longæva, ac prospera Sanctissimi D. No-  
stri CLEMENTIS XIII. de Religione nostra infinitis prope-  
modum titulis optimè meriti incolumitate, pro felici Ca-  
tholicæ Ecclesiæ incremento, pro Christianorum Principum  
pace, & concordia, pro totius Ordinis nostri conservatio-  
ne, & augmento, pro Eminentissimo Cardinali Protectore  
nostro Vigilantissimo, ac pro Nobis tandem, qui vobis om-  
nibus peramanter impertimur Seraphicam, & Paternam Be-  
nedictionem. Datum Romæ ex Aracæli die 4. Octobris 1762.

*F. Petrus Joannetius de Molina*  
*Minister Generalis.*

Loco \* Sigilli :

De mandato Rm̃i in Christo Patris  
*F. Petrus Jacobus de Lozano Secret. Gen. Ord.*

*Decla-*

(a) Philipp. 4. 1. (b) Ad Gal. 5. 25. (d) Ephef. (e) Colos. 3. 14.

*Declaratio Patrum Vocalium Recolletorum Gallia, favore  
A. R. P. Marci Antonii Gravois, ipsorum  
Ex-Procuratoris Generalis.*

IN NOMINE DOMINI, AMEN.

CUM Nobis innotuerit per Viros fide dignos, multa fuisse perpetrata contra Reverendum Admodum Patrem Marcum Antonium Gravois, Generalem totius Ordinis Ex-Diffinitorem, & Nostrum olim in Curia Romana Procuratorem Generalem; Et cum relatum fuerit Nobis, quoddam suæ Provinciæ Religiosos voluisse eum spoliare privilegiis, & prærogativis, ei ad Legum normam, & consuetudinis tenorem debitis: Propterea Nos infra-scripti, Diffinitor Generalis totius Ordinis, Ministri Provinciales, Pro-Ministri, & Custodes Recolletorum Galliæ, pro generali Ordinis nostri Capitulo Mantuæ congregati declaramus, omnia Ex-Procuratorum Generalium Reformatorum jura, omnesque prærogativas eidem de jure deberi; & utinam majora ei procurare valeremus ob indefessos, & nusquam interruptos labores, a triginta & amplius annis in Provinciæ nostrarum, & totius Ordinis utilitatem, & honorem cum omnium applausu, summa dignitate, & maximo neglectu propriæ utilitatis. His, & aliis rationibus bene multis moti, enixè deprecamur, & supplicamus Rmum Generalem, & cæteros, ad quos spectat, & spectare poterit, ut serventur dicto Patri Gravois gradus honoris, & dignitatis, suæque respectivæ protectione honorare, ac tempore debito justitiam eidem tot titulis debitam reddere dignentur. Actum Mantuæ die 31. Maii 1762.

*Fr. Thaddeus Thomas Laplesse Diffinitor Generalis.*

*Fr. Joannes Evangelista Deslandes, Provincialis Provinciae Britannia.*

*Fr. Hieronymus Guegan Custos ejusdem Provincia.*

*Fr. Wasnulpbus Huelle Pro-Minister Provincia S. Andrea.*

*Fr. Godefridus Vanderlinden-Custos Provincia S. Andrea.*

*Fr. Raymundus Courreges Minister Provincialis Provincia S. Dionysii in Francia.*

*Fr. Nicolaus Henry ejusdem Provincia Pater, & Custos.*

*Fr. Joau-*

*Fr. Joannes Baptista Marefchal Vicarius Provincialis Lotbaringia .*

*Fr. Philibertus Rollin Custos Lotbaringia .*

*Fr. Bruno Fortin Minister Provincialis Recolletorum Alsatia .*

*Fr. Enricus Anselm Custos Recolletorum Alsatia .*

*Fr. Julianus Duvivier Provincialis Recolletorum S. M. Magdalena .*

*Fr. Adrianus Gouzot Minister Provincialis Provincia Sanctissimi Sacramenti Recolletorum in Gallia .*

*Fr. Dorotheus Scribe Custos Provincia S. Antonii in Arthesia Recolletorum .*

*Fr. Fortunatus Thibault Custos Provincia S. M. Magdalena Recolletorum in Gallia .*

*Fr. Modestus Eschapasse Custos Provincia Sanctissimi Sacramenti Recolletorum in Gallia .*

*Fr. Pius Allard Minister Provincialis Provincia S. Francisci in Gallia .*

*Fr. Franciscus Daniel Griconrt Minister Provincialis Provincia S. Antonii in Arthesia .*

Nos, qui jam supra, testamur, suprapositas subscriptiones esse veras, & tales, quales enunciantur. In cujus fidem subsignavimus, & curavimus apponi Sigillum majus Provinciae nostrae Sanctae Mariae Magdalena, cum Chirographo Secretarii nostri. Mantuae eodem die ut supra.

*Fr. Thaddaeus Laplesse Diffinitor Generalis .*

Loco ✕ Sigilli .

De mandato Rev. admodum P. Diff. Gen.  
*Fr. Maximilianus Paplan Secret.*

MAG 2002426

IMPRI-

*I M P R I M A T U R,*

Si videbitur Reverendissimo Patri Magistro Sacri  
Palatii Apostolici.

*D. J. Archiep. Nicomed. Vicesg.*



*I M P R I M A T U R.*

Fr. Thomas Augustinus Ricchinius Ordinis Præ-  
dicatorum, Sacri Palatii Apostolici Magister.









